



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno MCCCCXLVII. ad annum MDXXVII.

**Parisiis, 1644**

Mandatvm Patriarchae Maronitarum.

**urn:nbn:de:hbz:466:1-15644**

*Abbates, & generales ordinum.*ANNO  
CHRISTI  
1564Reuerendus pater dominus Ioannes sancti Sebastiani extra muros  
Vrbis abbas.Generales Vallis vmbrosæ , sancti Francisci , sancti Dominici , &  
sanctæ Mariæ Seruorum.*Oratores & illustres domini temporales.*Illustris dominus Laurentius de Medicis , nepos prefati sanctissimi  
domini nostri secundum carnem , dux Vrbinatensis.Illustris dominus Albertus de Carpi , orator inuictissimi imperatoris.  
Magnificus dominus Hieronymus Vich , orator Catholici regis His-  
paniarum.Magnificus dominus Michael de Silua , orator illustrissimi regis  
Portugalliae ; & quamplures alii nobiles & milites Hierosolymitani.

Celebrata Missa per reuerendum dominum Gabrielem archiepiscopum Dyrrachiensem ; & cantato per reuerendissimum in Christo patrem & dominum dominum Marcum , sanctæ Mariae in Via lata diaconum cardinalem, euangelio secundum Matthæum, incipiente, *Sedente Jesu super montem Oliueti*, &c. ac cantato hymno per sanctissimum dominum nostrum , incipiente, *Veni creator Spiritus* : ac peractis orationibus consuetis , oratores patriarchæ Maronitarum montis Libani præstiterunt obedientiam nomine dicti patriarchæ sanctissimo domino nostro , & præsentauerunt quoddam mandatum in lingua Chaldæa seu Arabica. Et præstita obedientia , vnu dictorum oratorum ascendit ambonem , & legit dictum mandatum in lingua propria. Deinde reuerendus dominus Andreas secretarius Concilii ascendit ambonem , & legit dictum mandatum interpretatum in lingua Latina , cuius tenor sequitur , & est talis:

M A N D A T U M P A T R I A R C H Æ  
Maronitarum.

*Gratias Deo reuerenter agimus sub mundissimis pedibus patris  
nostris sanctissimi Christi vicarii , & domini nostri papæ Leonis  
decimi , qui vices beati Petri veritatis petræ gerit in terris , se-  
detque super apostolicam sedem ipsius sanctissimæ benedictionis  
super nos . Amen.*

Cogimus in diuinæ laudes erumpere , Deoque , a quo  
omne

ANNO CHRISTI  
1516. omne bonum , gratiarum actiones indefinenter agere , qui purissimæ sanctitatis vestrae menti illabi dignatus est , eamque per inspirationem pulsare , vt nos per sanctum nuntium suum fratrem Ioannem Franciscum de Potentia visitaret . Is enim fratre Francisco Reatino interprete , & viam salutis nobis ostendit , & sancta documenta reliquit : nempe quomodo sanctum conficiatur christma , ex puro videlicet oleo & balsamo , nihilque praeter haec immiscendum , quo etiam tempore aquis salutari bus infantes ablui debeant , & sacro baptismatis fonte renasci : non sitque quadragesimus postulandus dies , sicut antea erroris tenebris inuoluti præstolari confueuimus , sed in octauo , vel etiam ante , cum necessitas expostulauerit : qua vero ratione iuxta patrum & sanctæ Romanae ecclesiæ instituta , matrimonia contrahantur , quæ eadem impediant : ac facri quonam pacto conferantur ordines : quibus item verbis in consecratione dominici corporis ac fanguinis vti debeamus : & quod Spiritus sanctus a Patre procedat & Filio , sicuti ab unico principio & unica spiratione : & quod Christianus , qui in hac vita sufficientem de suis delictis poenitentiam non egit , ea functus ad quemdam , diuina permittente iustitia , duetur locum , qui purgatorium dicitur , vt ibidem , quo usque dignior sit cælum ascendere , maneat : & quod semel saltem in anno nostra proprio sacerdoti confiteamur peccata , sanctissimumque eucharistiæ sacramentum in paschate suscipiamus Domini nostri Iesu Christi , & sanctorum apostolorum Petri & Pauli natali hoc consueuerimus adimplere : & vt semper & in omnibus apostolicæ sedis ac sanctitatis vestrae eiusque successorum submittamus mandatis : præsentibus archiepiscopis , episcopis , nec non doctribus nostris cleri & populi maioribus , & claro nos docuit eloquio , & dulciter instruxit . Hæc enim , pater sancte , & nonnulla alia ab eo instituta , nostrarum salutem concernentia animarum , & in Arabico conscripta sermone nobis relicta , quibus evitantur peccata moresque reformatur in melius , prompta obedientia acceptamus & confitemur , adimplereque speramus . Et propterea apprime in Domino exultauius , & animi nostri immodicam spiritalem conceperunt lætitiam ,

Concil. Tom. 34.

Ooo

Deoque optimo maximo , ac sanctitati vestrae gratias egimus , fratres hos sanctos ad nos dirigenti , qui salutis iter nobis ostenderunt , & animas nostras in Domino recrearunt . Nos vero cum prælibato fratre Ioanne Francisco quosdam ex nostris ad sanctitatem vestram destinamus , ea deduci opinione , vt patrum instituta , ac sanctæ Romanæ ecclesiæ dogmata addiscant , & cum edoceti fuerint , ad nos docturi alios postmodum redeant . Interea non paruo afficimur tædio , quoniam ad deosculandum adorandumque sanctissimos sanctitatis vestrae pedes accedere prohibemur , & quæ mente gerimus , fixis in terram poplitibus proprio ore exprimere ipsi nequimus . Ut autem affectui nostro ac voto vt cumque satisfaciamus , cum præfato sanctitatis vestrae nuntio fratre Ioanne Francisco , oratorem nostrum Acuri Ioseph cum Elia , ac Elia monacho , ad sanctitatem vestram destinandum decreuimus , vt nostro ac totius cleri , Maronitarumque populi nomine , terram fronte tangens flexisque genibus sanctissimos pedes sanctitatis vestrae & adoret & deosculetur , ac sanctæ apostolicæ sedi coram fratribus vestris sanctæ Romanæ ecclesiæ cardinalibus , sanctitati vestrae obedientiam præstet , & fidelitatem iuret , & quod veraciter sanctæ sedis apostolicæ , & sanctitatis vestrae serui fideles sumus , demissò capite firmiter protestetur . Amen , Amen . Quædam vero alia supradicto fratri nostro Ioanni Francisco referuamus , quæ vt sanctitati vestrae enarraret , sub Dei attestatione adstrinximus ; erit enim veluti noster amabilis frater benedicti monasterii sanctæ Mariæ de Cambin in monte Libano sancto , ac totius cleri & Maronitarum populi ad pedes sanctitatis vestrae sollicitus procurator . Omnia quidem nostra , & quomodo sub infidelium detestanda seruitute , tamquam omni auxilio orbati , infelicissimam vitam ducimus , propriis oculis ipse conspexit . Hoc est responsum puritatis nostræ sanctissimo , & purissimo patri nostro , cuius sanctas benedictiones misericors Deus ad nos transmittat . Amen , Amen , Amen .

Scripta sunt hæc anno dominicæ incarnationis millesimo quingentesimo decimoquinto , mensis Februarii die 14.

A tergo .

ANNO CHRISTI  
1516. Præsentabuntur cum Dei gratia in manus sanctissimi domini nostri Leonis, qui super sanctam sedem Petri apostoli residet, pro parte pauperis discipuli sui Petri patriarchæ Maronitarum ex monasterio Camibin in monte Libano serui seruorum Dei.

Quo perlecto, dicti oratores accesserunt ad sanctissimum dominum nostrum, & deosculati sunt eius beatissimos pedes, præstantes eidem sanctissimo domino nostro, nomine quo supra, debitam obedientiam & reuerentiam. Qua præstata, dominus Marius de Peruschis procurator Concilii, petiit instrumentum & instrumenta dictæ obedientiæ.

Deinde reuerendus pater dominus Ioannes episcopus Revaliensis, orator marchionis Brandenburgensis electoris imperii, ascendit ambonem, & legit schedulam disponentem circa modum prædicandi, cuius tenor talis est:

*Leo episcopus seruus seruorum Dei ad perpetuam rei memoriam,  
sacro approbante Concilio.*

Supernæ maiestatis præsidio, per cuius ineffabilem prouidentiam cælestia simul & terrena diriguntur, super gregem dominicum nobis commissum, speculatoris officium, quantum imbecillitati nostræ conceditur, exercentes, totaque mente nobiscum ipsi reuoluentes, inter alia quamplura & magna ad nos etiam pertinere, ut munus prædicationis, quod in ecclesia Dei præcipuum ac pernecessarium, magnique fructus atque utilitatis, dummodo recte & ex sincera caritate erga Deum & proximum præceptisque & exemplis sanctorum patrum, qui hæc profitentes cum fidei fundatione & propagatione plurimum ecclesiæ contulerunt, exerceatur: quippe quod Redemptor noster primus fecit & docuit, & eius præcepto & imitatione duodenus ille apostolorum numerus, quasi totidem cæli Dei veri gloriam enarrantes per orbem terrarum, vniuersum genus humanum, quod sub peccati iugo vetusta seruitute continebatur, sensim ab eorum tenebris educentes, & ad perpetuæ salutis lucem excitantes, verbum ipsum in omnem terram & in fines orbis terræ, tum ipsi prius, tum deinde sui successores, longe lateque propagauerunt, altissimeque fundarunt,

*Concil. Tom. 34.*

Ooo, ij

vt qui nunc tantum subeunt onus , meminisse debeant, creberrimeque secum reuoluere , præter auctoris ipsius ac fundatoris Iesu Christi pientissimi redemptoris , Petri etiam & Pauli ceterorumque apostolorum & Domini discipulorum se vices , quoad hoc officium , subire , ac sustinere . Sane fide dignorum relatione percepimus , quod nonnulli prædicatores nostris temporibus , quod dolenter referimus , non attendentes , se eorum , quos diximus , & insuper sanctorum ecclesiarum doctorum , aliorumque sacram theologiam profitentium , qui assistendo iugiter Christianis , ac se falsis prophetis rectam fidem subuertente annitentibus opponentes , ecclesiam militantem illas prius , per se talem eam esse manifestarunt , officium exercere , & non nisi vtilia concurrenti eorum sermonibus populo ad vitiorum extirpationem , virtutum laudem , animarum denique salutem fidelium , meditanda & perficienda debere assumere , multa tamen & varia contra institutiones & exempla , quæ diximus , quandoque etiam scandalosa populis prædicare , quod mentem certe nostram mirum in modum commouit , dum nobiscum ipsi mente voluimus , quod illi officii immemores sui , in suis sermonibus non ad vtilitatem audientium , sed ad suam potius ostentationem laborantes , vanis quorundam auribus blandiuntur , qui ad hoc iam deuenisse apparent , vt verificetur dictum Apostoli ad Timotheum ita scribentis : *Erit enim tempus , cum sanam doctrinam non sustinebunt , sed ad sua desideria coaceruabunt sibi magistros pruidentes auribus , & a veritate quidem auditum auertent , ad fabulas autem conuertentur : quorum falsas & inanes mentes , prædicantes ipsi præfati , non modo in rectam veramque viam reducere minime student , sed illas maioribus etiam erroribus implicant , dum sine villa Canonum attestatione , vel reuerentia , imo contra ipsas canonicas sanctiones , sacrae scripturae sensum multifariam peruerentes , temereque ac perperam plerumque interpretantes , contra veritatem prædicare , terroresque ac minas , multaque mala prope diem affutura , iamque ingruentia , nulla prorsus legitima ratione muniti , sed suo dumtaxat sensui obsequentes , comminantur , repræsentant , adesseque assuerant , plerumque etiam vana quædam & inania , & alia huiusmodi*

2. Tom. 4.

ANNO  
CHRISTI  
1516. populis ingerere, & quod enormius est, ab æternitatis lumine, & sancti Spiritus admonitione aut infusione illa se habere asserere audent? Cumque ii sub confectorum miraculorum mendaciis varios errores fraudesque disseminent, denique populos, quos in euangelica doctrina sedulo instruere, & in vera fide detinere & conseruare deberent, sermones suos a sensu & præceptis vniuersalis ecclesiæ retrahentes, a sacrificisque constitutionibus, quas maxime sequi deberent, deuiantes, auditores suos amouent ac longe faciunt a salute. Per hæc namque & alia huiusmodi simpliciores homines, ut ad deceptionem procliuiores, a via salutis & obedientia Römanæ ecclesiæ deuiantes, in errores varios perfacile inducuntur. Propterea Gregorius huius muneris peritissimus, & feroce caritatis incensus, prædicatores vehementer hortatur & monet, ut dicturi ad populum prudentes cautique accedant, ne dicendi impetu rapti, verborum erroribus quasi iaculis audientium corda configant, & cum sapientes fortasse videri desiderant, decepti, speratae virtutis compagem insipienter discindant. Sæpe namque verborum effectus amittitur, cum loquacitate importuna, vel incauta, audientium corda leuigantur. Et sane in nullo alio rudem ii plebem maiori damno scandalisque afficiunt, quam cum vel tacenda prædicant, vel falsa & inutilia docendo, eam in terrorem inducunt. Quæ quoniam huic sacræ religioni diuinitus institutæ, ut noua & aliena, omnino contraria esse noscuntur, graui certe accuratoque sunt examine digna, ne scandalum populo Christiano, & suorum auctorum, ac aliorum animabus interitum pariant. Nos igitur sanctæ Dei ecclesiæ (cui disponente Domino præsidemus, quæ quidem vna est, & vnum Deum prædicat, colit, ac vnam fidem firmiter & sincere confitetur, iuxta illud Prophetæ vaticinium: *Qui habitare psal. 67.*  
*facit unius moris in domo*) vniiformitatem, quantum cum Deo possumus, posthabitam reducere, & retentam conseruare, quique populo verbum Dei prædicant, tales esse cupientes, ut eorum prædicatione Dei ecclesia nullum scandalum patiatur; & si qui corrigibiles sunt, ab his, quæ proximis nostrisque temporibus præsumperunt, cum nonnullos eorum præter illa quæ diximus, in prædicationibus non viam amplius Domini in virtute docentes, non euange-

Ooo iii

lium, vt deberent, explanantes, sed conficta miracula,  
& noua ac falsa vaticinia, aliaque leuia & ab anilibus fa-  
bulis parum distantia, magnumque scandalum parentia,  
nulla deuotionis & auctoritatis, eiusque improbantis ac  
repellentis hæc habita ratione, vastis clamoribus impri-  
mere ac suadere vbique conantes, & ne pontificali qui-  
dem dignitate fulgentibus, & aliis ecclesiæ prælatis par-  
centes, quibus potius honorem ac reuerentiam exhibere  
deberent, sed in eorum personas ac statum audaciter ac  
temere inuehi consueuisse, & alia huiusmodi commississe  
constat, in futurum abstineant, vt tam periculosum con-  
tagiosumque malum, ac mortifera pestis radicitus euella-  
tur, & area factum ita penitus deleatur, vt nec memoria eius  
remaneat: sacro approbante Concilio, statuimus & ordi-  
namus, vt nullus tam clericus sæcularis, quam cuiuscum-  
que etiam mendicantium ordinis regularis, aut quiuis a-  
lius ad quem facultas prædicandi, tam de iure quam de  
confuetudine vel priuilegio aut alias pertinet, ad huiusmo-  
di officium exercendum admittatur, nisi prius per superio-  
rem suum respectiue diligenter examinatus (in qua re con-  
scientiam ipsius superioris oneramus) ac morum honesta-  
te, ætate, doctrina, probitate, prudentia, & vitæ exem-  
plaritate ad illud aptus, & idoneus reperiatur, & hic, quo-  
cumque postea prædicaturus accesserit, de huiusmodi ex-  
amine & idoneitate sua per literas authenticas, seu alias sui  
examinatoris approbatorisque episcopis & aliis locorum  
ordinariis fidem legitime faciat. Mandantes omnibus qui  
hoc onus sustinent, quique in futurum sustinebunt, vt  
euangelicam veritatem, & sanctam scripturam iuxta de-  
clarationem, interpretationem, & ampliationem docto-  
rum, quos ecclesia vel vsus diuturnus approbavit, legen-  
dosque haetenus recepit, & in posterum recipiet, prædi-  
cent & explanent: nec quidquam eius proprio sensui con-  
trarium, aut dissonum adiiciant, sed illis semper insistant,  
quæ ab ipsius sacræ scripture verbis, & præfatorum do-  
ctorum interpretationibus, rite & sane intellectis, non  
discordant. Tempus quoque præfixum futurorum malo-  
rum, vel Antichristi aduentum, aut certum diem iudicii  
prædicare, vel asserere nequaquam præsumant, cum Ve-  
ritas dicat, non esse nostrum nosse tempora vel momenta,

ANNO  
CHRISTI  
1516. quæ Pater posuit in sua potestate: ipsosque qui hactenus si-  
milia afferere ausi sunt, mentitos; ac eorum causare reliquo-  
rum etiam recte prædicantium auctoritati non modicum  
detractum fuisse constet: inhibentes omnibus & singulis  
clericis sæcularibus vel regularibus præfatis, ceterisque cu-  
iuscumque status, gradus, & ordinis existant, qui hoc onus  
assument, ne de cetero in sermonibus suis publicis, alia quæ-  
que futura ex literis sacris constanter prædicere, nec illa  
a Spiritu sancto vel diuina reuelatione se habuisse affirma-  
& alienas inanesque diuinationes assuerando, aut alio  
quocumque modo tractando assument, sed ex diuinæ vocis  
præcepto euangelium omni creaturæ cum vitiorum dete-  
statione, & virtutum commendatione enucleent & decla-  
rent, & pacem ac dilectionem mutuam a Redemptore  
nostro tantopere commendatam vbiique fouentes, non  
scindant vestem inconsutilem Christi, sed ab episcoporum  
& prælatorum, ac aliorum superiorum, eorumque status  
scandalosa detractio, quos coram vulgo, & laicis non  
modo incaute, sed etiam intemperanter reprehendunt &  
mordent, & ab eis male gestorum expressis quandoque  
nominibus aperta & manifesta redargutione abstineant.  
Denique constitutionem felicis recordationis Clementis  
papæ V. quæ incipit, Religiosi; quam tenore præsentium  
innouamus & approbamus, inuiolabiliter ab eis obseruari  
debere decernimus, vt hac ratione ad utilitatem populi  
prædicantes, & eum Domino lucrificientes, talentum,  
quod ab illo acceperant, superlucrari, & eiusdem gratiam  
& gloriam consequi mereantur. Ceterum si quibusdam  
eorum Dominus futura quædam in Dei ecclesia inspiratio-  
ne quapiam reuelauerit, vt per Amos prophetam ipse pro-  
mittit, & Paulus apostolus prædicatorum princeps, *Spiri-*<sup>1. Thess. 5.</sup>  
*tum*, inquit, *nolite extinguere, prophetias nolite spernere*, hos  
aliorum fabulosorum, & mendacium gregi connumerari,  
vel aliter impediri minime volumus. Extinguitur namque  
ipsius gratia Spiritus, Ambrosio teste, si incipientibus lo-  
qui feruor contradictione sopitur: & tunc Spiritui sancto  
iniuria certe fieri dicitur. Et quoniam res magni momenti  
est, eo quod non de facile credendum sit omni spiritui,  
sed sint probandi spiritus, teste apostolo, an ex Deo pro-<sup>1. Ioan. 4.</sup>  
ueniant; volumus, vt lege ordinaria tales assertæ inspira-

tiones, antequam publicentur, aut populo prædicentur,  
exnunc apostolicæ sedis examini referuatæ intelligantur.

Quod si sine moræ periculo id fieri non valeret, aut vrgens  
necessitas aliud suaderet, tunc eodem ordine seruato, or-  
dinario loci notificantur, vt ille adhibitis secum tribus aut  
quatuor doctis & graibus viris, huiusmodi negotio cum  
eis diligenter examinato, quando id expedire videbunt,  
super quo eorum conscientias oneramus, licentiam conce-  
dere possint. Si qui autem contra præmissorum aliquod  
committere quidquam ausi fuerint, vltra poenas contra  
tales a iure statutas, excommunicationis etiam senten-  
tiam, a qua non nisi a Romano pontifice, præterquam in  
mortis articulo constituti, absolvi possint, eos incurrire  
volumus. Et vt eorum exemplo alii attentare similia mini-  
me audeant, eis prædicationis etiam officium interdictum  
esse perpetuo decernimus; non obstantibus constitutio-  
nibus, ordinationibus, ac priuilegiis & indultis, & literis  
apostolicis, ordinibus, & personis præfatis, etiam in Mari  
magno comprehensis, ac etiam a nobis forsan approbatis,  
innouatis, vel etiam de nouo concessis, quæ quo ad hoc  
nolumus eis in aliquo suffragari.

Nulli ergo omnino hominum liceat hanc paginam no-  
stri statuti, ordinationis, mandati, inhibitionis, innouatio-  
nis, approbationis, decreti & voluntatis infringere, vel ei  
ausu temerario contraire. Si quis autem hoc attentare  
præsumperit, indignationem omnipotentis Dei, ac bea-  
torum Petri & Pauli apostolorum eius, se nouerit incur-  
surum.

Data Romæ in publica sessione, in Lateranensi sacro-  
sancta basilica solenniter celebrata, anno incarnationis  
Domini millesimo quingentesimo decimosexto, xiv. Ka-  
lendas Ianuarii, pontificatus nostri anno quarto.

Qua perlecta, petuit an placent paternitatibus suis  
contenta in schedula. Et omnibus vnanimiter placuerunt.

Postmodum vero reuerendus pater dominus Maximus  
episcopus Ifernensis ascendit ambonem, & legit schedu-  
lam, in qua continentur concordata cum Christianissimo  
rege Francorum. Cuius tenor sequitur, & est talis:

Leo

ANNO  
CHRISTI  
1516. *Leo episcopus seruus seruorum Dei, ad perpetuam rei memoriam,  
sacro approbante Concilio.*

Diuina disponente clementia , per quam reges regnant,  
& principes imperant, in eminenti apostolatus specula,  
& super gentes & regna meritis licet imparibus constituti,  
animo reuolentes, quod et si ea, qua pro salubri & quieto  
regimine regnorum , & ad pacem & iustitiam populorum  
perpetua eorumdem regnorum stabilitate, regibus præser-  
tim de fide catholica & de republica Christiana & aposto-  
lica sede benemeritis ; laudabili & prouida nostra ordina-  
tione , cum venerabilibus fratribus nostris sanctæ Roma-  
næ ecclesiæ cardinalibus concessa , ac ad effectum huius-  
modi gesta, statuta, ordinata, decreta, factave sunt, plenam  
roboris obtineant firmitatem : illis nihilo minus interdum,  
sacro approbante Concilio , nostræ innouationis, & appro-  
bationis robur adiicimus , vt eo firmius illibata perdurent,  
quo saepius erunt nostra auctoritate , ac etiam generalis  
Concilii præsidio communia, efficacemque operam circa  
eorumdem conseruationem libenter adhibemus , vt reges  
& ipsorum regnorum personæ, concessionibus, priuilegiis,  
statutis , & ordinationibus huiusmodi in Domino plene  
gaudentes, in pacis & tranquillitatis, ac amoenitatis dulce-  
dine conquiescant, & in eorum solita erga eamdem sedem  
deuotione feruentius perseverent. Nuper siquidem vt ec-  
clesia sponsa nostra in sancta vnione conseruaretur, & per  
Christi fideles sacris Canonibus a Romano pontifice & sa-  
cris generalibus Conciliis dumtaxat editis vteretur, quaf-  
dam constitutiones, quas de cetero loco pragmaticæ san-  
ctionis & contentorum in ea , in regno Franciæ pro bono  
pacis & concordiæ , ac illius communi & publica vtilitate  
cum carissimo in Christo filio nostro Francisco Franco-  
rum rege Christianissimo , dum Bononiæ cum nostra curia  
essemus , tractatas, & cum eisdem fratribus nostris dili-  
genter examinatas, & de eorum consilio cum præfato re-  
ge concordatas , & per ipsius regis legitimum procurato-  
rem acceptatas, de eorumdem fratrum consilio & vnani-  
mi consensu statuimus & ordinaimus , prout in nostris  
literis desuper confectis plenius continetur , quarum te-  
nor sequitur , & est talis :

*Concil. Tom. 34.*

Ppp

*Leo episcopus seruus seruorum Dei ad futuram rei memoriam.*ANNO  
CHRISTI  
1516.

Primituā illa ecclesia in angulari petra a Saluatōre nostro Iesu Christo fundata, apostolorum præconiis elata, martyrumque sanguine consecrata & aucta, vbi primum iuante Domino per orbem terrarum lacertos mouere cœpit, prouide attendens, quantum oneris humeris impositum haberet, quot oues pascere, quot custodire, ad quot etiam remotissima loca oculos intendere oporteret, diuino quodam consilio parochias instituit, dioeceses distinxit, episcopos creauit, & metropolitanos præfecit, vt tanquam membra capiti obsequentia, cuncta secundum eius voluntatem salubriter in Domino, & tamquam riuli a perenni fonte, Romana videlicet ecclesia, deriuantes, ne angulum quidem dominici agri irrigatum dimitterent. Unde sicut alii Romani pontifices prædecessores nostri suo tempore omni studio curarunt, vt dicta ecclesia vniaretur, & in sancta vniione sine ruga & macula conseruaretur, & omnes vepres ab eadem ecclesia abolerentur, cui proprium est, diuina opitulante gratia, virtutes colere, & vitia radicibus extirpare: ita & nos tempore nostro, & præsenti durante Concilio, ea facere & curare debemus, quæ vniioni & conseruationi eiusdem ecclesiæ conducere videntur. Eapropter omnes spinas, quæ vniioni huiusmodi obsistunt, & segetem Domini pullulare non sinunt, tollere prorsus & extirpare, ac virtutes in vinea Domini inserere fatigimus. Sane inter arcana nostræ mentis reuoluëtes, quot tractatus inter piæ memoriarum Pium II. Sixtum IV. Innocentium VIII. Alexandrum VI. & Iulium II. Romanos pontifices prædecessores nostros, & claræ memoriarum reges Franciæ Christianissimos super abrogatione certæ constitutionis in dicto regno Franciæ vigentis, quæ pragmatica vocatur, habitu fuerunt, & licet Pius II. præfatus, nuntiis ad claræ memoria Ludouicum XI. Franciæ regem Christianissimum destinatis, tantis eidem persuaserit rationibus, vt rex ipse pragmaticam sanctionem huiusmodi, tamquam in seditione & schismatis tempore natam, suis patentibus literis abrogaverit, tamen huiusmodi abrogatio, nec etiam literæ apostolicæ præfati Sixti super concordata cum oratoribus præfati regis Ludouici ad præfatum Sextum prædecessorem desti-

ANNO  
CHRISTI  
1516. natis habita, expedita per prælatos, & personas ecclesiasticae dicti regni receptæ fuerunt, nec ipsi prælati & personæ ecclesiasticae illis parere, nec monitis Innocentii & Iulii prædictorum aures præbere, sed eidem pragmaticæ constitutioni inhærere voluerunt. Vnde præfatus Iulius prædecessor in præsenti Concilio Lateranensi vniuersalem ecclesiam repræsentante, per eum legitime indicto, abrogationis pragmaticæ sanctætionis huiusmodi negotium, & illius discussionem venerabilium fratrum suorum cardinalium, de quorum numero tunc eramus, & aliorum prælatorum congregationibus, relationemque discussorum sibi & eidem Concilio faciendam commisit, Gallicosque prælatos, capitula ecclesiistarum, & monasteriorum conuentus, ac parlamenta, & laicos illis fauentes, cuiuscumque dignitatis, etiam si regalis existerent, sanctione prædicta vtentes, seu illam approbantes, omnesque & singulos alias sua communiter vel diuisim interesse putantes, per edictum publicum, cum ad partes illas tutus non pateret accessus, in certis ecclesiis tunc expressis affigendum, moneri & citari infra certum competentem terminum præfigendum, ad comparendum coram eo in Concilio præfato, causasque dicendum, quare sanctio præfata in concernentibus auctoritatem, dignitatem, & unitatem ecclesiarum Romanæ & apostolicae sedis, sacerorumque Canonum, & ecclesiasticae libertatis violationem, nulla & inualida declarari, decerni, & abrogari non deberet. Et cum super his in forma iuris in præfato Concilio Lateranensi procederetur, dictusque Iulius prædecessor (sicut Domino placuit) rebus suis humanis exemptus, nosque diuina fauente clementia ad summi apostolatus apicem assumpti fuissimus, & contra prælatos, capitula, conuentus, & personas huiusmodi ad nonnullos actus processissimus, tandem considerantes pacem esse vinculum caritatis, & spiritualem virtutem, qua saluamur, dicente Domino: *Qui biberit aquam, quam ego dabo ei bibere, non sitiet in æternum:* & quod in pace constat salus vniuersorum, Cassiodoro testante; omni quippe regno desiderabilis debet esse tranquillitas, in qua & populi proficiunt, & utilitas gentium custoditur: matura deliberatione cognouimus, non per nuntios aut legatos nostros, sed in præstatione obedientiæ

Concil. Tom. 34.

P pp. ij

filialis, quam carissimus in Christo filius noster Franciscus  
Francorū rex Christianissimus personaliter nobis præsttit,  
hæc cum maiestate sua coram discutere, eamque paternis  
hortari monitis, ut ad laudem Dei & sui honorem, prom-  
pto animo libens ac volens dictæ pragmaticæ sanctioni ab-  
renuntiare, & secundum Canones & constitutiones san-  
ctæ Romanæ ecclesiæ, quemadmodum ceteri Christiani  
viviere, mandatis apostolicis & prouisionibus, quæ a sede  
apostolica pro tempore emanarent, parere & obedire vel-  
let: & cum ex electionibus, quæ in ecclesiis cathedrali-  
bus & metropolitanis ac monasteriis dicti regni, a multis  
annis citra fiebant, grandia animarum pericula prouenierent,  
cum pleræquæ per abusum sacerdotalis potestatis, non  
nullæ vero præcedentibus illicitis, & simoniacis pœnitioni-  
bus aliaæ particulari amore & sanguinis affectione & non  
sine periurii reatu fierent, cum electores ipsi, etiam si ante  
electionem per eos faciendam, magis idoneum, & non  
eum, quem promissione aut datione alicuius rei tempora-  
lis, seu prece vel precibus per se vel alium interpositis,  
electionem procurare didicissent, eligere sponte iurarent,  
iuramentū huiusmodi non seruarent, sed contra proprium  
huiusmodi iuramentum in animæ suæ præiudicium veni-  
rent, ut nobis notorie constat ex crebris absolutionibus,  
& rehabilitationibus a nobis & prædecessoribus nostris  
petitis & obtentis: Idem Franciscus rex nostris paternis  
monitis, tamquam verus obedientiæ filius parere volens,  
tam pro bono obedientiæ, in qua magnum meritum vere  
consistit, quam pro communi, & publica regni sui utilita-  
te, in locum dictæ pragmaticæ sanctionis, ac singulorum  
capitulorum in ea contentorum constitutiones infrascri-  
ptas inuicem tractatas, & cum fratribus nostris sanctæ Ro-  
manæ ecclesiæ cardinalibus diligenter examinatas, & de  
eorum consilio cum præfato rege concordatas, per dile-  
ctum filium Rogerium Barnæ regium aduocatum orato-  
rem suum, ad hoc ab eodem Francisco rege ad nos destina-  
tum, habentem ad hoc speciale & sufficiens mandatum,  
acceptauit; de eorumdem fratrum consilio & vnanimi  
consensu, ex certa nostra scientia, & potestatis plenitudi-  
ne statuimus & ordinamus, quod de cetero perpetuis fu-  
turis temporibus loco dictæ pragmaticæ constitutionis ac

ANNO  
CHRISTI  
1516.

ANNO CHRISTI  
1516. omnium & singulorum capitulorum in ea contentorum,  
in dicto regno, Delphinatu, & comitatu Diensi ac Valentini-  
nensi infra scriptæ obseruentur constitutiones, videlicet,  
quod cathedralibus & metropolitanis ecclesiis in regno,  
Delphinatu, & comitatu prædictis nunc & pro tempore,  
etiam si per cessionem in manibus nostris & successorum  
nostrorum Romanorum pontificum canonice intrantium  
sponte factam vacantibus, illarum capitula & canonici,  
ad electionem seu postulationem inibi futuri prælati, pro-  
cedere non possint: sed illarum occurrente huiusmodi va-  
catione, rex Franciæ pro tempore existens unum gra-  
uem magistrum seu licentiatum in theologia, aut in utro-  
que, seu in altero iurium doctorem, aut licentiatum, in  
universitate famosa, & rigore examinis, & in vigesimo-  
septimo suæ ætatis anno ad minus constitutum, & alias  
idoneum, infra sex menses a die vacationis ecclesiastarum  
earumdem computandos, nobis & successoribus nostris  
Romanis pontificibus, seu sedi prædictæ nominare, & de  
persona per regem huiusmodi nominata, per nos & suc-  
cessores nostros, seu sedem prædictam prouideri: & si  
contingeret, præfatum regem, personam taliter non qua-  
lificatam ad dictas ecclesiæ sic vacantes nominare, per  
nos & successores seu sedem huiusmodi de persona sic no-  
minata eisdem ecclesiæ minime prouideri beat, sed te-  
neatur idem rex infra tres alios menses a die recusatio-  
nis personæ nominatae non qualificatae, solicitatori nomi-  
nationem non qualificatam prosequenti, consistorialiter  
factæ, intimandæ computandos, alium supra dicto modo  
qualificatum nominare: alioquin ut dispendiosæ ecclesia-  
rum huiusmodi vacationi celeriter consulatur, ecclesiæ  
tunc sic vacanti, per nos & successores nostros, seu sedem  
huiusmodi de persona, ut præfertur, qualificata, nec non  
ecclesiæ per obitum apud sedem prædictam vacantibus  
semper, nulla dicti regis præcedente nominatione, libe-  
re prouideri possit, decernentes, electiones contra præ-  
missa attentatas, ac prouisiones per nos & successores no-  
stros, seu sedem huiusmodi factas, nullas & inualidas exi-  
stere. Consanguineis tamen præfati regis, ac personis sub-  
limibus ex causa rationabili & legitima, in nominatio-  
ne & apostolicis literis exprimenda, nec non religiosis

Ppp iij

mendicantibus reformatis, eminentis scientia<sup>e</sup>, & excellētis doctrinā, qui iuxta sui ordinis regularia instituta ad gradus huiusmodi assumi non possint, sub prohibitio-  
ne p̄messa minime comprehensis, sed de eorum per-  
sonis dictis ecclesiis pro tempore vacantibus, ad dicti regis nominationem per nos & successores nostros seu sedem huiusmodi, libere prouideri possit; Monasteriis vero & prioratibus conuentualibus & vere electiuis, vide-  
licet in quorum electionibus forma capituli. Quapropter, seruari & confirmationes electionum huiusmodi solenniter peti consueuerunt, in regno, Delphinatu & co-  
mitatu, huiusmodi nunc, & pro tempore etiam per similem cessionem vacantibus, illorum conuentus ad elec-  
tionem seu postulationem abbatis seu prioris, procedere non possint, sed idem rex illorum occurrente hu-  
iusmodi vacatione, religiosum eiusdem ordinis in aetate  
viginti trium annorum ad minus constitutum, infra simile tempus sex mensium, a die vacationis monasteriorum & prioratum huiusmodi computandorum, nobis & successoribus nostris, aut sedi huiusmodi nominare, & de persona per regem huiusmodi monasterio vacanti nominata, per nos & successores nostros, seu sedem huiusmodi, prouideri: Prioratus vero, personae ad illum per eundem regem nominatae, conferri debeat. Si vero idem rex presbyterum saecularem, aut religiosum alterius ordinis, aut minorem viginti trium annorum, vel alias inhabi-  
lem, nobis, aut successoribus nostris infra dictum seme-  
stre, seu sedi huiusmodi nominaret, talis nominatus recusari, & nullatenus sibi prouideri debeat: sed rex ipse infra trimestre a die recusationis supradicto modo intimanda computando, alium modo supradicto qualificatum monasterio seu prioratui tunc vacanti nominare, & de persona ad monasterium nominata, illi prouidere: ad prioratum vero nominato, prioratus ipse per nos & successores nostros, seu sedem prædictam conferri debeat. Alioquin dictis nouem mensibus effluxis, nulla, seu de persona minus idonea, & modo p̄misso non qualificata facta nominatione, ac etiam vacantibus apud sedem prædictam, semper etiam nulla dicti regis expectata nomina-  
tione, per nos, & successores nostros, seu sedem præ-

ANNO  
CHRISTI  
1506.

ANNO  
CHRISTI  
1516. dictam, monasteriis prouideri: prioratus vero, personis, ut præfertur, qualificatis dumtaxat conferri libere pos-  
sint. Electiones autem & illarum confirmationes, nec non prouisiones per nos & successores nostros & sedem  
prædictam contra præmissa pro tempore factas, nullas,  
irritas, & inanes esse decernimus. Per præmissa tamen non  
intendimus in aliquo præjudicare capitulis ecclesiarum,  
& conuentibus monasteriorum & prioratum, huius-  
modi priuilegia a sede apostolica proprium eligendi præ-  
latum obtinentium, quo minus ad electionem episcopo-  
rum ac abbatum & priorum, iuxta priuilegia eis conce-  
sa, libere procedere possint, iuxta formam in eorum pri-  
uilegiis contentam; & si in eorum priuilegiis forma ali-  
qua expressa non fuerit, tunc formam Concilii generalis,  
Quia propter, seruare teneantur, dummodo de priuile-  
giis sibi concessis huiusmodi, per literas apostolicas seu  
alias authenticas scripturas docuerint, omni alia specie  
probationis eis in hoc adempta. Volumus quoque & or-  
dinamus, quod in regno, Delphinatu, & comitatu prædi-  
ctis, de cetero non dentur aliquæ gratiæ expectatiuæ, ac  
speciales vel generales reseruationes ad vacatura benefi-  
cia, per nos & sedem prædictam non fiant: & si de facto per  
importunitatem, aut alias, a nobis & successoribus nostris  
& sede prædicta emanauerint, illas irritas & inanes esse  
decernimus. In cathedralibus tamen, metropolitanis &  
collegiatis ecclesiis, in quarum statutis caueretur expresse,  
quod nullus ibidem dignitatem, personatum, administrationem  
vel officium obtinere possit, nisi in illis actu cano-  
nicus existat, canonicos ad effectum dumtaxat inibi obti-  
nendum dignitatem, personatum, administrationem vel  
officium huiusmodi, & non consequendum primam præ-  
bendam vacaturam, creare posse intendimus. Statuimus in-  
super, quod ordinarius collator in unaquaque cathedrali,  
ac etiam metropolitana ecclesia canonicatum & præben-  
dam theologalem inibi consistentem, conferre teneantur  
vni magistro seu licentiato, aut baccalaureo formato in  
theologia, qui per decennium in vniuersitate studii gene-  
ralis priuilegiata studuerit, ac onus residentiæ, lecturæ &  
prædicationis actu subire voluerit, quique bis aut semel  
ad minus per singulas hebdomadas, impedimento cessen-

In Concilio  
Lateranensi  
sub Innoc.  
III. cap. 24.

te legitimo, legere debeat, & quoties ipsum in huiusmodi lectura deficere contigerit, ad arbitrium capituli per subtractionem distributionum totius hebdomadæ puniri possit, & si residentiam deseruerit, de illis alteri prouideri debeat. Et vt liberius studio vacare possit, etiamsi absens fuerit a diuinis, habeatur pro præsente, ita vt nihil perdat. Præfatique ordinarii, collatores seu patroni ecclesiastici, quicumque fuerint, vltra dictam præbendam theologalem, quam, vt præfertur, qualificato conferre teneantur, tertiam partem omnium dignitatum, personatum, administrationum & officiorum, ceterorumque beneficiorum ecclesiasticorum, ad eorum collationem, prouisionem, nominationem, præsentationem, seu quamvis aliam dispositionem quomodolibet spectantium, viris literatis, graduatis, & per vniuersitates nominatis hoc modo, videlicet primo mense post præsentium acceptationem, & earumdem publicationem præfati ordinarii collatores, dignitates, personatus, administrationes & officia ad eorum collationem, prouisionem, nominationem, præsentationem, seu quamvis aliam dispositionem, vt præfertur, spectantia graduatis huiusmodi, qui literas suorum graduum cum tempore studii debite insinuauerint, conferre teneantur. Beneficia vero, quæ in duobus sequentibus mensibus vacare contigerit, illa iuxta iuris communis dispositionem personis idoneis libere conferre, seu personas idoneas ad illa præsentare possint. Beneficia autem, quæ in quarto mense vacare contigerit, viris graduatis per vniuersitatem nominatis, qui gradus & nominationis literas cum tempore studii debite insinuauerint, conferre seu præsentare teneantur. Beneficia vero, quæ quinto mense & sexto vacare contigerit, simili modo personis idoneis libere conferre, seu personas ad illa præsentare possint. Beneficia autem quæ septimo mense vacare contigerit, graduatis, qui simili modo literas gradus cum tempore studii debite insinuauerint, conferre teneantur. Beneficia vero quæ octavo & nono mensibus vacare contigerit, pari modo personis idoneis conferre, seu personas idoneas ad illa præsentare teneantur. Beneficia autem, quæ mense decimo vacare contigerit, graduatis nominatis, qui gradus & nomi-

ANNO CHRISTI  
1516. nominationis literas cum tempore studii debite insinua-  
uerint, per eosdem ordinarios conferri, seu ipsi ad illa præ-  
sentari debeant. Beneficia autem quæ vndecimo & duo-  
decimo mensibus vacare contigerit, per eosdem ordina-  
rios personis idoneis iuxta iuris communis dispositionem  
conferri, seu ipsi ad illa præsentari debeant.

Si quis vero cuiuscumque status, etiam si cardinalatus,  
patriarchalis, archiepiscopalis aut pontificalis, vel alte-  
rius cuiuslibet dignitatis contra prædictum ordinem &  
qualificationes superius ordinatas, de dignitatibus, perso-  
natibus, administrationibus vel officiis, seu quibusvis aliis  
beneficiis ecclesiasticis huiusmodi aliter, quam modo præ-  
misso disposuerit, dispositiones ipsæ sint ipso iure nullæ:  
collationesque & prouisiones ac dispositiones illorum ad  
immediatum superiorem deuoluuntur, qui eisdem per-  
sonis modo præmisso qualificatis prouidere teneatur. Et  
si contrauenerit, ad alium superiorem deuoluatur prouis-  
io & præsentatio huiusmodi gradatim, donec ad sedem  
apostolicam fiat deuolutio. Præterea volumus, quod col-  
latores ordinarii & patroni ecclesiastici præfati, qui di-  
gnitates, personatus, administrationes & officia ac bene-  
ficia, in mensibus graduatis & nominatis assignatis, va-  
cantia, illis graduatis simplicibus aut nominatis illa con-  
ferre, aut ad illa eos dumtaxat præsentare teneantur, qui  
per tempus competens in vniuersitate famosa studue-  
rint. Tempus autem competens, decennium in magi-  
stris seu licentiatis aut baccalaureis in theologia, septen-  
nium vero in doctoribus seu licentiatis in iure canonico,  
ciuili, aut medicinis: quinquennium autem, in magistris  
seu licentiatis in artibus cum rigore examinis a logicali-  
bus inclusiue, aut in altiori facultate: sexennium au-  
tem, in baccalaureis simplicibus in theologia: quinquen-  
nium vero, in baccalaureis iuris canonici aut ciuilis, in  
quibus baccalaureis iuris canonici aut ciuilis, si ex vtro-  
que parente nobiles fuerint, triennium esse decernimus.  
Præfatique graduati & nominati, collatoribus ordinariis  
sive patronis ecclesiasticis semel ante vacationem benefi-  
cii de literis gradus seu nominationis, & de præfato tem-  
pore studii, per literas patentes vniuersitatis, in qua stu-  
duerint, manu scribæ & sigillo vniuersitatis signatas, fidem

Concil. Tom. 34.

Q99

facere teneantur. Cum vero probatio nobilitatis fieri debet ad effectum, ut nobiles ipsi gaudere possint beneficio minoris temporis studii, tunc nobilitas ipsa per quatuor testes deponentes in iudicio coram iudice ordinario loci, in quo est natus ille, de cuius nobilitate ex virtu parente constare debet, etiam in partis absentia probari possit: teneanturque præfati graduati, tam simplices, quam nominati, patronis ecclesiasticis aut collatoribus ordinariis, quibus gradus aut nominationis literas huiusmodi insinuare deberent, literas suorum gradus & nominationis, certificationis, temporis studii, & attestationis nobilitatis, duplicates dare, ac singulis annis, tempore quadragesimæ, per se vel procuratorem suum, collatoribus, nominatoribus, seu patronis ecclesiasticis, aut eorum vicariis, eorum nomina & cognomina insinuare, & eo anno quo præfatam insinuationem facere omiserint, beneficium in vim gradus aut nominationis huiusmodi petere non possint. Et si collatoribus ordinariis, aut patronis ecclesiasticis in mensibus deputatis graduatis simplicibus, aut graduatis nominatis, non effet graduatus aut nominatus, qui diligentias præfatas fecerint, collatio seu presentatio per collatorem seu patronum ecclesiasticum etiam eisdem mensibus facta alteri quam graduato vel nominato, non propter hoc irrita censeatur, si tamen graduatus simplex aut beneficium post insinuationem gradus aut nominationis in mensibus eis assignatis vacans petierit, & inter suam insinuationem & præfatam requisitionem non superuenerit quadragesima, in qua nomen & cognomen insinuare debuerit, ad beneficium sic vacans eum capacem, ipsumque illud consequi posse & debere decernimus.

Statuimus quoque & ordinamus, quod collatores ordinarii & patroni ecclesiastici præfati inter graduatos, qui literas gradus cum tempore studii & attestatione nobilitatis debite insinuauerint, quoad beneficia in mensibus eis deputatis vacantia, gratificare possint illum ex eis, quem voluerint: quo vero ad beneficia in mensibus graduatis nominatis deputatis, antiquiori nominato conferre, seu antiquiorem nominatum, qui literas nominationis, temporis, studii & attestationis nobilitatis, debite

ANNO  
CHRISTI  
1516. insinuauerit, præsentare, seu nominare teneantur. Concurrentibus autem nominatis eiusdem anni, doctores licentiatis, licentiatos baccalaureis, demptis baccalaureis formatis in theologia, quos fauore studii theologici, licentiatis in iure canonico, ciuili, aut medicina, præferendos esse decernimus: Baccalaureos iuris canonici aut ciuilis, magistris in artibus præferri volumus. Concurrentibus autem pluribus doctoribus in diuersis facultatibus, doctorem theologum, doctori in iure, doctorem in iure canonico, doctori in iure ciuili, doctorem in iure ciuili, doctori in medicina præferendos esse decernimus. Et idem in licentiatis, & baccalaureis seruari debere volumus. Et si in eisdem facultate & gradu concurrerent, ad datam nominationis seu gradus recurrendum esse volumus. Et si in omnibus his concurrerent, tunc collator ordinarius inter eosdem concurrentes gratificare possit. Volumus autem, quod nominati literas nominationis ab vniuersitatibus, in quibus studuerint, obtinentes in nominationum literis beneficia per eos possessa, & eorum verum valorem exprimere teneantur: alioquin literæ nominationis huiusmodi, eo ipso nullæ sint & esse censemantur. Si quis vero ex dictis qualificatis, graduatis simplicibus, aut nominatis, tempore vacationis beneficii in mensibus eis deputatis vacantis, duas obtineat præbendas, in cathedralibus etiam metropolitanis, aut collegiatis, seu dignitatem vel præbendam, vel aliud beneficium seu alia beneficia, quorum insimul vel cuius fructus, redditus & prouentus tempore residentiae, & horis diuinis interessendo, ad summam ducentorum florinorum auri de camera ascenderent, beneficium, in vim gradus seu nominationis huiusmodi, tunc petere seu consequi non possit. Et insuper, quod tam graduati simplices, quam nominati, beneficia in mensibus eis assignatis vacantia, petere & consequi possint secundum propriæ personæ condecentiam & conformitatem, videlicet, sæculares sæcularia, & religiosi regularia beneficia ecclesiastica, ita quod sæcularis nominatus, beneficia regularia in mensibus deputatis, vacantia prætextu cuiusvis dispensationis apostolicæ, & econtra religiosus beneficia sæcularia, petere aut consequi minime possint. Quodque bene-

Concil. Tom. 34.

Qqq ij

ficia simpliciter vel ex causa permutationis in mensibus, graduatis simplicibus & nominatis assignatis vacantia eis non sint affecta nec debita, sed ex causa permutationis cum permutantibus dumtaxat, simpliciter vero vacanta beneficia huiusmodi personis idoneis per ipsos ordinarios libere conferri possint.

Statuimus quoque, quod parochiales ecclesiarum in ciuitatibus aut villis muratis existentes, non nisi personis modo præmisso qualificatis, aut saltem qui per tres annos in theologia vel altero iurium studuerint, seu magistris in artibus, qui in aliqua vniuersitate priuilegiata studentes, magisterii gradum adepti fuerint, conferantur. Monemus autem præfati regni vniuersitates, sub poena priuationis omnium & singulorum priuilegiorum, a nobis & sede apostolica obtentorum, nec collatoribus seu patronis ecclesiasticis habeant aliquos nominare, nisi eos, qui secundum præfata tempora studuerint, & secundum dictarum vniuersitatum statuta ad gradus, & non per saltum, prouecti fuerint. Quod si securus fecerint, ultra nullitatis poenam, quam in præfatarum nominationum literis declaramus, vniuersitates ipsas nominandi priuilegio ad tempus, secundum culpæ qualitatem, suspendemus.

Si quis autem graduatorum aut nominatorum in mensibus deputatis a collatoribus ordinariis, aut personis ecclesiasticis, beneficium vacans in vim gradus aut nominationis petierit, & collatorem ordinarium in vim præfati gradus aut nominationis in processu posuerit, & aliter molestauerit, illum ultra expensarum, damnorum, & interesse condemnationem, a fructibus sui gradus & nominationis priuandum esse decernimus: eodemque vinculo collatores ordinarios & patronos ecclesiasticos, quibus graduati & nominati debite, ut supra, qualificati, suos gradus & nominationis literas insinuauerint, adstringimus, ut beneficia ad eorum collationem vel præsentationem spectantia, in mensibus graduatorum simplicium & nominatorum vacantia, stantibus præfatis graduatis aut nominatis debite qualificatis, illa prosequentiibus, aliis, quam graduatis aut nominatis conferant, sub poena suspensionis potestatis conferendi beneficia in octo mensibus, illo anno ad collationem eorum ac præsen-

tationem liberam spectantibus. Statuimus quoque & ordinamus, quod quilibet Romanus pontifex semel dumtaxat tempore sui pontificatus literas in forma mandati, iuxta formam inferius annotatam, & non ultra dare possit hoc modo, videlicet unum collatorem habentem collationem decem beneficiorum in uno: habentem autem collationem quinquaginta beneficiorum & ultra, in duabus beneficiis dumtaxat grauare possit; ita tamen, quod in eadem ecclesia cathedrali vel collegiata collatorem unum pro tempore in duabus praebendis non grauet. Et ut obuietur litibus quae occasione literarum mandatorum huiusmodi oriri possent, mandata huiusmodi sub forma, quae est inferius annotata, dari volumus, quam ad perpetuam rei memoriam in cancellaria apostolica publicari, & in illius quinterno registrari mandamus: declarantes, prosequentes huiusmodi mandata, quoad beneficia sub illis comprehensa, ordinariis collatoribus & graduatis simplicibus & nominatis preferendos esse, nosque & successores nostros iure praeventionis, dignitates, personatus, administrationes & officia ceteraque beneficia ecclesiastica, secularia, & quorumvis ordinum regularia, quaecumque & quomodocumque qualificata, tam in mensibus graduatis, simplicibus & nominatis, quam ordinariis collatoribus prefatis assignatis, vacantia, ac etiam sub dictis mandatis comprehensa, libere conferre.

Statuimus insuper, quod in prouisionibus, quas personis quibusuis de beneficiis vacantibus, seu certo modo vacaturis, per nos & successores nostros, ac sedem praedictam, etiam motu proprio, etiam promotis ad ecclesias cathedrales & metropolitanas, ac monasteria, ut obtenta per eos beneficia retinere possint, fieri contigerit, illorum versus annuus per florenos, aut ducatos auri de camera, aut libras Turonensis, seu alterius monetæ, valor secundum communem aestimationem exprimi debeat: alioquin gratia ipsæ sint ipso iure nullæ.

Statuimus quoque & ordinamus, quod in regno, Delphinatu, & comitatu praedictis, omnes & singulæ causæ, exceptis maioribus in iure expresse denominatis, apud illos iudices in partibus, qui de iure aut consuetudine praescripta, vel priuilegio illarum cognitionem habent termi-

Qqq iiij

494 LEO C. LATERANENSIS V. MAXIMILIANVS I.  
P. X. IMP.

nari & finiri debeant. Et ne sub vmbra appellationum, quæ  
nimium & nonnunquam friuole interponi confueuerunt,  
atque etiam in eadem instantia ad prorogationem litium  
sæpe multiplicari, iniustis vexationibus materia præbea-  
tur: volumus, quod si quis offensus, coram suo iudice iu-  
stitiae complementum habere non possit, ad immediatum  
superiorem, etiam ad nos & successores nostros, vel sedem  
prædictam, omisso medio, nec a grauamine in quacum-  
que instantia ante definitiuam sententiam quomodolibet  
appelletur: nisi forsitan tale grauamen extiterit, quod in  
definitiua reparari nequiret, & eo casu, non nisi ad imme-  
diatum superiorem liceat appellari. Si quis vero immediate  
subiectus sedi apostolicæ, ad eamdem sedem duxerit ap-  
pellandum, causa committatur in partibus per rescriptum  
vsque ad finem litis, videlicet vsque ad tertiam sententiam  
conformem inclusiue, si ab illis appellari contigerit, nisi  
propter defectum denegata iustitia, aut iustum metum:  
& tunc committi debeat in partibus conuicinis, & cum  
causarum expressione, quæ etiam de illis, etiam legitime  
alias, quam per iuramentum coram iudicibus a sede apo-  
stolica deputandis, constare debeat. Processus autem con-  
tra præmissa attentatos, nulos & irritos esse volumus: ac  
rescripta contra præmissa impetrantes, in expensis, dam-  
nis & interesse condemnari debere decernimus atque de-  
claramus. Sanctæ vero Romanæ ecclesiæ cardinales, qui  
pro vniuersali ecclesia continue laborant, nec non dictæ  
sedis officiales, officia sua actu exercentes, sub præsenti  
decreto non intendimus comprehendendi. Statuimus etiam  
& ordinamus, quod iudices causas, quæ in partibus ter-  
minari debent, coram eis pro tempore pendentes, sub pœ-  
na excommunicationis & priuationis beneficiorum per  
eos obtentorum, eo ipso incurrenda, infra biennium ter-  
minare debeant. Pars vero diffugiens, & expeditionem  
ipsius causæ malitiose impediens, grauissime per eosdem  
iudices mulctetur, etiam vsque ad priuationem iuris in hu-  
iustimodi processu prætensi, si eis visum fuerit, super quo  
eorum conscientias oneramus. Ab interlocutoriis autem  
secundo, a definitiuis vero tertio dumtaxat prouocare li-  
cere decernimus. Volumusque secundam sententiam in-  
terlocutoriam, conformem, & tertiam definitiuam etiam

ANNO  
CHRISTI  
1564.

ANNO  
CHRISTI  
1516. conformem, omni mora cessante: executioni debitæ demandari debere, quacumque appellatione interposita non obstante. Statuimus quoque, quod quicumque, dummodo non sit violentus, sed habens coloratum titulum, pacifice & sine lite prælaturam, dignitatem, personatum, administrationem, vel officium, seu quocumque beneficium ecclesiasticum triennio proximo hactenus possidet, vel pro tempore possidebit, in petitorio vel possessorio, a quoquam etiam ratione iuris nouiter reperti molestari nequeat, præterquam prætextu hostilitatis aut alterius legitimi impedimenti, de quo protestari, & illud iuxta Concilium Viennense intimari debeat. Lis autem hoc casu quod ad futuras controvferias intelligatur, si ad executionem citationis, iurisque sui in iudicio exhibitionem, aut terminorum omnium obseruationem processum fuerit. Monemus etiam ordinarios, vt diligenter inquirant, ne quis sine titulo beneficium possideat: & si quem beneficium sine titulo possidere repererint, declarent, illi ius non competere, cuiusvis temporis detentione non obstante, de ipsoque beneficio possit illi, dummodo non sit intrusus, vel violentus, aut alias indignus, vel alteri idoneo prouideri. Et insuper statuimus, quod quicumque clericus cuiuscumque conditionis, status, religionis, dignitatis, etiam si pontificalis, vel alterius præminentia fuerit, qui post habitam præsentium notitiam, quam habere præsumatur post duos menses post earumdem præsentium publicationem, in ecclesiis cathedralibus factam, quam ipsi dioecesani omnino facere teneantur, postquam præsentes ad eorum notitiam peruerent, publicus concubinarius a perceptione fructuum omnium beneficiorum suorum trium mensium spatio sit ipso facto suspensus, quos suus superior in fabricam vel aliam evidentem ecclesiarum utilitatem, ex quibus hi fructus percipiuntur, conuertat. Nec non huiusmodi publicum concubinarium, vt primum tamē esse nouerit, mox suus superior monere teneatur, vt infra breuissimum terminum concubinam dimittat, & si illam non dimiserit, vel dimissam seu aliam publice resumperit, iubemus, vt ipsum omnibus suis beneficiis omnino priuet. Et nihil minus hi publici concubinarii, usquequo cum eis per suos superiores post ipsarum concubina-

rum dimissionem , manifestamque vitæ emendationem  
fuerit dispensatum ; ad susceptionem quorumcumque ho-  
norum , dignitatum , beneficiorum , officiorumve sint in-  
habiles . Qui si post dispensationem reciduo vomitu ad  
huiusmodi publicum concubinatum redierint , sine spe  
alicuius dispensationis ad prædicta prorsus inhabiles exi-  
stant . Quodque si hi , ad quos talium correctio pertinet ,  
eos , vt prædictum est , punire neglexerint , eorum supe-  
riores , tam in ipsis de negle<sup>c</sup>tu , quam in illos pro concu-  
binatu modis omnibus digna punitione animaduertant .  
In Conciliis etiam prouincialibus & synodalibus aduer-  
sus tales punire negligentes , vel de hoc crimine diffama-  
tos , etiam per suspensionem a collatione beneficiorum ,  
vel alia condigna poena seueriter procedatur . Et si ii , quo-  
rum destitutio ad nos & sedem prædictam spectat , per  
Concilia prouincialia , aut suos superiores propter concu-  
binatum publicum reperiantur priuatione digni , statim  
cum processu inquisitionis ad nos deferantur . Eadem dili-  
gentia & inquisitio in quibuscumque generalibus capitulis ,  
etiam prouincialibus , quoad eos seruetur , pœnis aliis con-  
tra prædictos , & alios non publicos concubinarios a iure  
statutis , in suo robore permansuris . Publici autem intel-  
ligendi sunt , non solum hi , quorum concubinatus per sen-  
tentiam aut confessionem in iure factam , sed per rei eu-  
dientiam , quæ nulla possit tergiuersatione celari , notorius  
est , sed etiam , qui mulierem de incontinentia suspectam  
& diffamatam tenent , & per suum superiorem admoniti ,  
ipsam cum effe<sup>c</sup>tu non dimittunt . Quia vero in quibus-  
dam regionibus nonnulli iurisdictionem ecclesiasticam ha-  
bentes , pecuniarios quæstus a concubinariis percipere  
non erubescunt , patientes eos in tali fœditate fordescere ,  
sub pœna maledictionis æternæ præcipimus , ne deinceps  
sub pacto , compositione , aut spe alterius quæstus talia  
quouis modo tolerant , aut dissimulent : alioquin ultra  
præmissam negligentiae pœnam duplum eius , quod pro-  
pterea acceperint , restituere , & ad pios usus omnino  
conuertere teneantur & compellantur . Ipsas autem con-  
cubinas aut suspectas prælati omnibus modis curent a suis  
subditis per auxilium & brachii sœularis inuocationem ,  
si opus fuerit , penitus arcere , qui etiam filios ex tali  
concu-

ANNO  
CHRISTI  
1514.

ANNO CHRISTI  
1516. concubinatu procreatōs, apud patres suos cohabitare non  
permittant. Iubemus insuper, quod in prædictis Synodis &  
capitulis præmissa publicentur, & ut quilibet suos subditos  
ad ipsarum concubinarum dimissionem moneat, diligenter.  
Iniungimus præterea omnibus sacerdotalibus viris, etiam  
si regali præfulgeant dignitate, ne nullum qualecumque in-  
ferant impedimentum, quocumque quæsito colore præ-  
latis, qui ratione officii sui aduersus subditos suos pro hu-  
iusmodi concubinatu, & aliis casibus sibi a iure permisso  
procedunt. Et cum omne fornicationis crimen lege diuina  
prohibitum, sit & sub poena peccati mortalis necessario  
evitandum, monemus omnes laicos tam vxoratos quam  
solutos, ut similiter a concubinatu abstineant. Nimis enim  
reprehensibilis est, qui vxorem habet, & ad aliam vxorem  
seu mulierem accedit. *Qui vero solutus est, si continere nolit* 1. Cor. 7.  
iuxta Apostoli consilium, *vxorem ducat*. Pro huiusmodi au-  
tem diuini obseruantia præcepti hi, ad quos pertinet, tam  
salutaribus monitis, quam aliis canonice remediis omni  
studio laborent. Statuimus insuper, quod ad vitandum  
scandala & multa pericula, subueniendumque conscientiis  
timoratis, quod nemo deinceps a communicatione alicu-  
ius in sacramentorum administratione vel receptione, aut  
aliis quibuscumque diuinis vele extra, prætextu cuiuscum-  
que sententia aut censuræ ecclesiasticae, seu suspensionis,  
aut prohibitionis ab homine vel a iure generali promul-  
gata, teneatur abstinere, vel aliquem vitare, vel interdi-  
ctum ecclesiasticum obseruare: nisi sententia, prohibitio,  
suspensio, vel censura huiusmodi, fuerit vel contra per-  
sonam collegium, vniuersitatem ecclesiasticam, aut lo-  
cum certum, aut certam a iudice publicata, & denun-  
tiata specialiter & expresse, aut si notorie in excommu-  
nicationis sententiam constiterit incidisse, quod nulla  
possit tergiuersatione celari, aut aliquo iuris suffragio  
excusari, eum a communione illius abstinere volumus  
iuxta canonicas sanctiones. Per hoc tamen huiusmodi  
excommunicatos, suspensos, interdictos, seu prohibitos  
non intendimus in aliquo releuare, nec eis quomodolibet  
suffragari. Et quoniam ex indiscreta interdictorum  
promulgatione multa consueuerint scandala euenire, sta-  
tuimus, quod nulla ciuitas, opidum, castrum, villa,

*Concil. Tom. 34.*

Rrr

aut locus ecclesiastico supponi possit interdicto , nisi ex causa seu culpa ipsorum locorum , aut domini , seu rectoris vel officialium. Propter culpam autem seu causam alterius cuiuscumque priuatae personae , huiusmodi loca interdici nequaquam possint auctoritate quacumque ordinaria vel delegata , nisi talis persona prius fuerit excommunicata ac denuntiata , seu in ecclesia publicata , aut domini seu rectores vel officiales ipsorum locorum , auctoritate iudicis requisiti , huiusmodi personam excommunicatam , infra biduum inde cum effectu non eiecerint , aut ad satisfaciendum compulerint , qua etiam post biduum eiecta , recedente vel satisfacente , mox diuina resumi possint. Quod etiam in pendentibus locum habere decernimus. Nec non constitutionem de eorumdem fratrum nostrorum consilio edita , quam cum irritanti decreto statuimus , decernimus & ordinamus , quod ex tunc de cetero perpetuis futuris temporibus de cessione regimini & administrationis ecclesiarum & monasteriorum , facta per eos qui ecclesiis , & monasteriis ipsis praeerunt , seu illa in administrationem seu commendam , aut ut aliis vniata , aut alias obtinebant , seu resignatione aliorum quorumcumque beneficiorum ecclesiasticorum , seu cessione iuris in eis vel ad ea quomodolibet competentis , aut priuationis vel depositionis , aut censoriarum fulminacionem , etiam in literis apostolicis , a nobis & sede apostolica etiam motu proprio pro tempore emanatis , quæ in manibus Romani pontificis factæ dicerentur , contentis , etiamsi super illis narrantis fundaretur intentio , constare & apparere deberet per publica instrumenta , vel documenta authentica : alioquin tam in iudicio , quam extra illud , narratiuæ , & assertionibus huiusmodi in præiudicium tertii minime stari , nec ex illis alicui præiudicium afferri debere , nisi de huiusmodi narratiua & assertione etiam in literis apostolicis facta , altero ex præmissis modis doceretur : innouamus , illamque perpetuis futuris temporibus inuiolabiliter obseruari mandamus. Et quia ad supradictam concordiam cum præfato Francorum rege , ob illius sinceram deuotionem , erga nos & sedem prædictam ostensam , cum ad præstandam nobis reuerentiam & filialem obedientiam , ad ciuitatem

ANNO  
CHRISTI  
1516.

ANNO CHRISTI  
1516. nostram Bononiensem personaliter accessit , consentimus , illamque inuiolabiliter obseruari desideramus , illam veri contractus & obligationis inter nos & sedem apostolicam prædictam ex vna , & præfatum regem & regnum suum ex altera partibus legitime initi vim & robur obtainere : ac illi & præsentibus in aliqua sui parte per quascumque literas , & gratias , per nos & successores nostros desuper concedendas , derogari : clausulamque cum ea- rumdem derogatione præsentium latissime extendenda , ac quod eadem præsentes literæ , & earum tenor pro ex- pressis habeantur in quibusuis supplicationibus pro tem- pore signatis , appositam , nihil penitus operari : & illius vigore in literis apostolicis super ipfis supplicationibus conficiendis , quidquam , per quod præsentibus aut ali- cui particulae de contentis in eis derogaretur , seu derogari videretur , narrari non possit : & sic per quoscumque iudi- ces & commissarios , etiam causarum dicti palatii apo- stolici auditores , & præfatæ Romanæ ecclesiæ cardina- les in quibusuis causis super præmissis vel eorum aliquo , pro tempore motis , iudicari , definiri & sententiari debe- re , sublata eis aliter sententiandi & definiendi omnimoda facultate & auctoritate : nec non irritum , & inane , quid- quid secus super his , vel eorum aliquo a quoquam quauis auctoritate etiam per nos & successores nostros præfatos , scienter vel ignoranter contigerit attentari , decernimus . Volumus autem , quod si præfatus rex præsentes literas , ac omnia & singula in eis contenta , quæ in prima futura sessione præsentis Concilii Lateranensis approbari , & con- firmari facere promisimus , infra sex menses a die appro- bationis , & confirmationis computandos , non approba- uerit & ratificauerit , ea & perpetuis futuris temporibus in regno suo , & omnibus aliis locis , & dominiis dicti regni , per omnes prælatos & alias ecclesiasticas personas , ac curias parliamentorum legi , publicari , iurari & regi- strari ad instar aliarum constitutionum regiarum , & de acceptatione , lectione , publicatione , iuramento & re- gistratione prædictis , infra prædictum tempus per om- nium & singulorum supradiectorum patentes literas aut authenticas scripturas nobis non transmiserit , aut nun- tio nostro apud ipsum regem existenti , per eum ad nos

Concil. Tom. 34.

Rrr ij

500 LEO P.X. C. LATERANENSIS V. MAXIMILIANVS I.  
IMP.

destinandas non consignauerit, & deinde singulis annis  
etiam legi, prout aliae ipsius Francorum regis constitutio-  
nes & ordinationes, quæ in viridi sunt obseruantia, obser-  
uari debent, inuiolabiliter obseruari cum effectu non fe-  
cerit, præsentes literæ & inde secura quæcumque, sint  
cassa & nulla, nulliusque roboris vel momenti. Et cum  
omnium, quæ in regno, Delphinatu & comitatu prædi-  
ctis agantur, notitiam non habeamus, consuetudines, sta-  
tuta, seu usus libertati ecclesiasticæ, & auctoritati sedis  
apostolicae quomodolibet præiudicantia, si qua in re-  
gno, Delphinatu & comitatu prædictis alias, quam in præ-  
missis existant, non intendimus nobis, & eidem sedi in  
aliquo præiudicare, seu illa tacite vel expresse quomo-  
dolibet approbare.

Et nihilo minus præfato Francisco, & pro tempore ex-  
istenti Francorum regi in virtute sanctæ obedientiæ man-  
damus, quatenus per se vel alium, seu alios in dignitate ec-  
clesiastica constitutos, præsentes literas ac omnia & sin-  
gula in eis contenta, quando, & quoties opus fuerit, pu-  
blicari, & ea inuiolabiliter obseruari faciant, contradicto-  
res, cuiuscumque dignitatis & præminentiaæ fuerint, per  
censuras ecclesiasticas & pecuniarias poenas, aliaque iuris  
& facti quævis opportuna remedia, appellatione qualibet  
omnino postposita, compescendo. Non obstantibus om-  
nibus supradictis, aut si aliquibus communiter vel diuisim  
ab eadem sit sede indultum, quod interdici, suspendi, vel  
excommunicari non possint per literas apostolicas, non  
facientes plenam & expressam, ac de verbo ad verbum,  
de indulto huiusmodi mentionem. Forma vero supra-  
dicti mandati apostolici sequitur & est talis:

*Leo episcopus seruus seruorum Dei venerabili fratri episcopo N.  
& dilectis filiis capitulo, singulisque canonicis ecclesiæ N. sa-  
lutem & apostolicam benedictionem.*

Vitæ ac morum honestas, aliaque laudabilia probitatis  
& virtutum merita, super quibus dilectus filius N. apud  
nos fide digno commendatur testimonio, nos inducunt,  
vt sibi reddamus ad gratiam liberales. Hinc est, quod nos  
cupientes vt eidem N. iuxta illius, quæ olim per felici-  
cis recordationis Gregorium papam IX. prædecessorem

nostrum ad tunc episcopum Nouiomensem directa extitit, quæ incipit; Mandatum; & aliarum duarum illam immediate sequentium decretalium formas, de canonicatu & præbenda aut dignitate, personatu, administratione vel officio vestrae vel alterius ecclesiæ, aut alio beneficio, cum cura vel sine cura, etiamsi parochialis ecclesia, vel eius perpetua vicaria, aut capella, siue perpetua capellania ad vestram collationem, nominationem seu præsentationem, & aliam quamcumque dispositionem prouideri possit: ac volentes præfato N. meritorum suorum intuitu gratiam facere specialem, ipsumque N. a quibusvis excommunicationis, suspensionis & interdicti, aliisque ecclesiasticis sententiis, censuris & pœnis, a iure vel ab homine quavis occasione vel causa latis, si quibus quomodolibet innodatus existit, ad effectum præsentium dumtaxat consequendum, harum serie absoluente, & absolutum fore censentes, nec non omnia & singula beneficia ecclesiastica cum cura & fine cura, quæ præfatus N. etiam ex quibusvis apostolicis dispensationibus obtinet & expeccat, ac in quibus & ad quæ ius sibi quomodolibet competit, quæcumque, quotcumque & qualicumque sint, eorumque fructuum, reddituum & prouentuum veros annuos valores & huiusmodi dispensationum tenores præsentibus pro expressis habentes, motu proprio, non ad ipsius N. vel alicuius alterius pro eo nobis super hoc oblatae petitionis instantiam, sed de nostra mera liberalitate discretioni vestrae per apostolica scripta mandamus, quatenus si vobis pro alio non scriperimus, qui simile mandatum aut similem gratiam prosequatur, canonicatum & præbendam aut dignitatem, personatum, administrationem, vel officium vestrae vel alterius ecclesiæ, aut aliud beneficium ecclesiasticum cum cura vel sine cura, etiamsi parochialis ecclesia, vel eius perpetua vicaria, aut capella vel perpetua capellania fuerit, ad vestram collationem, prouisionem, præsentationem, nominationem, seu quamvis aliam dispositiōnem pertinens, etiamsi dignitati, personatui, administrationi, vel officio huiusmodi cura immineat animarum, dummodo talis dignitas electiua non existat, cum creatione in canonicum vestrae vel alterius ecclesiæ, etiamsi

Rrr iii

in eo statuto & priuilegio expresse caueatur, quod nulli de dignitate, personatu, administratione vel officio prouideri non possit, nisi cum effectu illius ecclesiæ canonicius existat, canonicatum huiusmodi ecclesiæ cum plenitudine iuris canonici, & non obstante de certo canonorum numero ad effectum huiusmodi dignitatem, personatum, administrationem vel officium dumtaxat obtinentium, & non alias, auctoritate apostolica, tenore praesentium conferimus, & de illo etiam prouidemus, si quemquam vel quod post mensem, postquam praesentes literæ vobis praesentatae fuerint, extra Romanam curiam vacare contigerit, cum plenitudine iuris canonici, ac omnibus iuribus & pertinentiis suis eidem N. conferatis, & de illo aut illa prouideatis, seu ipsum ad illum, illam, vel illud praesentetis aut nominetis, ipsumque N. in canonicum & in fratrem vestram vel alterius ecclesiæ ad effectum tantum obtinendi dignitatem, personatum, administrationem vel officium huiusmodi, recipiatis, stallum sibi in choro, & locum in capitulo cum plenitudine iuris canonici assignetis, inducentes eumdem N. vel procuratorem suum eius nomine, in corporalem possessionem canonicatus & praebendæ, aut dignitatis, personatus, administrationis vel officii, seu beneficij huiusmodi, iuriumque & pertinentium vniuersorum praedictorum, defidentesque inductum, ac facientes N. vel pro eo procuratorem praedictum, ad praebendam aut dignitatem, personatum, administrationem, vel officium seu beneficium huiusmodi, quodcumque fuerit, vt moris est, admitti, si bique de illius, vel illorum fructibus, redditibus, prouentibus, iuribus & obuentionibus vniuersis integre responderi, non obstante de certo canonicorum numero, vt præfertur, & aliis constitutionibus & ordinationibus apostolicis, ac dictæ vestram vel alterius ecclesiæ iuramento, confirmatione apostolica, vel quauis firmitate alia roboratis, statutis & consuetudinibus contrariis quibuscumque, aut si vobis ab apostolica sit sede indultum, quod ad receptionem vel prouisionem alicuius minime teneamini, quodque de canonicatibus & praebendis seu dignitatibus, personatibus, administrationibus vel officiis vestram vel alterius ecclesiæ, aut aliis beneficiis eccl-

ANNO  
CHRISTI  
1516.

ANNO  
CHRISTI  
1516. siasticis quibuscumque , ad vestram collationem , prouisionem , præsentationem , nominationem , seu quamvis aliam dispositionem , communiter vel diuisim pertinentibus , nulli valeat prouideri per literas apostolicas non facientes plenam & expressam , ac de verbo ad verbum , de indulto huiusmodi mentionem , & qualibet alia dictæ sedis indulgentia generali vel speciali , cuiuscumque tenoris existant , per quam præsentibus non expressam , vel totaliter non insertam , effectus huiusmodi gratiæ impediri valeat quomodolibet vel differri , & de qua cuiusque toto tenore habenda sit in nostris literis mentio specialis , seu si dictus N. præsens non fuerit ad præstandum de obseruantiis , statutis & consuetudinibus vestræ vel alterius ecclesiæ solitum iuramentum , dummodo in absentia tua per procuratorem idoneum , & cum ad ecclesiam ipsam accesseris , corporaliter illud præstes . Data , &c. Dilectis filiis N. & N. ac N. officialibus , salutem & apostolicam benedictionem . Hodie cupientes , vt dilecto filio N. clero N. dioecesis iuxta illius , quæ olim per felicis recordationis Gregorium papam nonum prædecessorem nostrum ad tunc episcopum Nouiomensem , directa extitit , quæ incipit ; Mandatum ; & aliarum duarum illam immediate sequentium decretalium formas , de canonicatu & præbenda , aut dignitate , personatu , administratione , vel officio ecclesiæ N. aut alio beneficio ecclesiastico cum cura vel sine cura prouideri posset , motu proprio venerabili fratri nostro episcopo N. & dilectis filiis capitulo , singulisque canoniciis ecclesiæ N. per alias nostras litteras mandauimus , quatenus si eis communiter vel diuisim pro alio non scripsissimus , qui simile mandatum , aut similem gratiam prosequeretur , eidem N. canonicatum & præbendam , aut dignitatem , personatum , administrationem , vel officium , aut beneficium ecclesiæ N. aut aliud beneficium ecclesiasticum , ad eorum collationem , prouisionem , præsentationem , nominationem , seu quamvis aliam dispositionem , communiter vel diuisim pertinentia , si quem , quam vel quod post mensem post præsentationem earumdem literarum vacare contingeret , cum plenitudine iuris canonici , ac omnibus iuribus & pertinentiis suis , prout ad eos communiter vel diuisim

pertineret, conferrent & assignarent, aut eum ad illa præsentarent, eligerent, nominarent, seu de illis prouiderent, prout in eisdem literis plenius continetur. Quocirca discretioni vestrae per apostolica scripta motu simili mandamus, quatenus vos vel duo, aut vnum vestrum, per vos, vel alium seu alios, si episcopus, capitulum & canonici prædicti canonicatum & præbendam, aut dignitatem, personatum, administrationem vel officium, aut beneficium huiusmodi eidem N. conferre & assignare, ac de illis etiam prouidere recusauerint, seu distulerint, aut negligentes fuerint, canonicatum & præbendam, aut dignitatem, personatum, administrationem, vel officium huiusmodi cum plenitudine iuris canonici, ac omnibus iuribus & pertinentiis supradictis eidem N. conferre & assignare, nec non eumdem N. ad illa, vt moris est, admittere, & in canonicum recipere & in fratrem, stalli fibi in choro & loco in capitulo assignatis, omniaque & singula alia in dictis literis contenta, alias iuxta earumdem continentiam ac formam, in omnibus & per omnia facere & exequi curetis, contradictores, prout iustitia suadebit, ad hoc compescendo, non obstantibus omnibus, quæ in dictis literis voluimus non obstatere. Datum,

¶c. Pro regularibus autem similis forma illis conueniens detur, ¶c. Nulli ergo omnino hominum liceat hanc paginam nostrorum statuti, ordinationis, suspensionis, ad strictionis, declarationis, præcepti, iniectionis, nominationis, innouationis, consensus, decreti, voluntatis, promissionis & mandati infringere, vel ei ausu temerario contraire. Si quis autem hoc attentare præsumperit, indignationem omnipotentis Dei, ac beatorum Petri & Pauli apostolorum eius se nouerit incursum.

Datum Romæ apud sanctum Petrum, anno incarnationis dominicae millesimo quingentesimo decimosexto, decimoquinto Kalendas Septembbris, pontificatus nostri anno quarto.

Nos igitur, vt literæ ipsæ, quæ ob id præcipue editæ fuerunt, vt in corpore mystico, sancta videlicet ecclesia, perpetua caritas & pax inuiolata perdurent, & si qua membra dissentiant, ea commode suo reinferantur corpori, eo magis obseruentur, quo clarius constiterit, ipsas literas

ANNO  
CHRISTI  
1516. literas ea matura & salubri deliberatione a nobis , dicto  
sacro Lateranensi approbante Concilio , approbatas & in-  
nouatas , qua statutæ & ordinatæ fuerunt , licet ad earum-  
dem literarum subsistentiam & validitatem , alia appro-  
batione non indigerent . Ad abundantiorem tamen cau-  
telam , ut eo tenacius obseruentur , & difficilius tollantur ,  
quo tantorum patrum fuerint maiore approbatione mu-  
nitæ , literas prædictas cum omnibus & singulis statutis ,  
ordinationibus , decretis , definitionibus , pactis , conuen-  
tionibus , promissione , voluntate ac pœnis , inhibitione ,  
aliisque omnibus & singulis clausulis in eis contentis , il-  
la præsertim , qua voluimus , quod si præfatus Fran-  
cum rex supradictas literas , ac omnia & singula in eis  
contenta , intra sex menses a data præsentium computan-  
dos non approbaret & ratificaret , & ea perpetuis futu-  
ris temporibus in regno suo & aliis locis & dominiis di-  
cti regni , per omnes prælatos & alias ecclesiasticas perso-  
nas ac curias parlamentorum acceptari , legi , publicari ,  
iurari & registrari ad instar aliarum constitutionum re-  
giarum , & de acceptatione , lectione , publicatione , iura-  
mento & registratione prædictis intra prædictum tem-  
pus per omnium & singulorum supradictorum patentes  
literas , aut authenticas scripturas nobis non transmitte-  
ret , aut nuntio nostro apud ipsum regem existente , per  
eum ad nos destinandum non consignaret , & deinde sin-  
gulis annis etiam legi , prout alia ipsius Francorum regis  
constitutiones & ordinationes , quæ in viridi sunt obser-  
uantia , obseruari debent , inuiolabiliter obseruari cum ef-  
fectu non fecerit , literæ ipsæ & inde secuta , quæcumque  
essent , cassa & nulla , nulliusque roboris vel momenti ,  
sacro Lateranensi Concilio approbante , apostolica au-  
toritate , & potestatis plenitudine approbamus , & in-  
nouamus , easque inuiolabiliter & irrefragabiliter obser-  
uari & custodiri mandamus , roburque perpetua firmata-  
tis in euentum dictarum approbationis & ratificationis ,  
& non aliter , nec alio modo obtinere , omnesque in di-  
ctis literis comprehensos , ad ipsarum literarum ac om-  
nium & singulorum in eis expressorum obseruationem ,  
sub censuris & pœnis ac aliis in eis contentis , iuxta ea-  
rumdem literarum tenorem & formam , teneri & obli-

gatos esse decernimus & declaramus , non obstantibus constitutionibus & ordinationibus apostolicis , ac omnibus illis , quæ in dictis literis voluimus non obstatere , certe risque contrariis quibuscumque . Nulli ergo omnino hominum liceat hanc paginam nostræ approbationis , innovationis , mandati , decreti , declarationis infringere , vel ei ausu temerario contraire . Si quis autem hoc attentare præsumperit , indignationem omnipotentis Dei , ac beatorum Petri & Pauli apostolorum eius se nouerit incursum .

Datum Romæ in publica sessione , in Lateranensi sacrosancta basilica solemnitatem celebrata , anno incarnationis dominicæ millesimo quingentesimo decimosexto , quarto Kalendas Ianuarii , pontificatus nostri anno quarto .

Vifa. Ie. Saluius.

Bembus.

A. de Castillo.

Qua perlecta , petiit an placent paternitatibus suis contenta in schedula . Et omnibus placuerunt simpliciter , excepto reuerendo patre domino Dominico episcopo Lucerino , qui dixit quod placebant sibi contenta in bulla , dummodo Galli acceptent bullam reuocationis pragmaticæ sanctionis . Et in eodem voto fuit reuerendus pater dominus Philippus episcopus Brugnatensis , & etiam reuerendus dominus Petrus episcopus Castelli maris . Reuerendo patri domino Benedicto Chiensi placuerunt omnia , excepto quod in quantum disponitur circa resignations factas in curia , quod requiratur consensus regis , hoc non placuit . Nec etiam placuit eidem Benedicto , quod appellations non admittantur , sed placere ei , quod appellations admitterentur . Reuerendo patri domino Ioanni Dominico Terdonensi non placuit consuetudo parliamentorum , quod habeant iurisdictionem in personas ecclesiasticas . Et in quantum suprascripta bulla tribuit iurisdictionem secularibus in personas ecclesiasticas , non placet ei . Reuerendo patri domino Hieronymo episcopo Asculano placent contenta in schedula , dummodo acceptentur per partes hinc inde .

Deinde reuerendus pater dominus Ioannes Baptista episcopus Cauallicensis ascendit ambonem , & legit sche-

LEO P.X. S E S S I O X I . MAXIMILIANVS I. IMP. 507

ANNO CHRISTI 1516. dulam abrogationis pragmaticæ sanctionis, seu corrupte-  
læ, cuius tenor sequitur & est talis:

*Leo episcopus seruus seruorum Dei, ad perpetuam rei memoriam,  
sacro approbante Concilio.*

Pastor æternus gregem suum usque ad consummatio-  
nem saeculi nunquam deserturus, ita, Apostolo teste, obe- Philip p. 1.  
dientiam dilexit, ut pro expiando primi parentis inobe-  
dientiae peccato seipsum humiliauerit, factus obediens  
usque ad mortem: migraturus vero ex mundo ad Pa-  
trem, in soliditate petrae Petrum eiusque successores vi-  
carios suos instituit, quibus ex libri regum testimonio  
ita obedire necesse est, ut qui non obedierit, morte mori-  
riatur. Et ut alibi legitur, in ecclesia esse non potest, qui  
Romani pontificis cathedram deserit: quoniam Augusti-  
no Gregorioque auctoribus, sola obedientia est mater  
custosque omnium virtutum, sola fidei meritum possi-  
dens: sine qua, quisque infidelis conuincitur, etiamsi fi-  
delis esse videatur. Itaque nos, eodem Petro docente, soli-  
citi esse debemus, ut quæ a Romanis pontificibus præde-  
cessoribus nostris, præsertim in sacris Conciliis pro obe-  
dientiae huiusmodi, auctoritatis, libertatisque ecclesiasti-  
cae, & sedis apostolicae defensione, mature & ex legitimis  
causis inchoata sunt, nostris studio, & cura & diligentia  
debite absoluantur, & ad optatum finem perducantur:  
simplicium quoque animæ, quarum etiam rationem Deo  
redituri sumus, a dolis & laqueis tenebrarum principis  
liberentur. Sane felicis recordationis Iulius papa secundus  
prædecessor noster, post indictum ex legitimis tunc ex-  
pressis causis, de venerabilium fratrum suorum sanctæ Ro-  
manæ ecclesiæ cardinalium, de quorum numero tunc era-  
mus, consilio & assensu, sacrum Lateranense Concilium,  
prouide considerans cum eodem sacro Lateranensi Con-  
cilio Bituricensem regni Franciæ corruptelam, quam illi  
pragmaticam sanctionem vocant, cum maximo anima-  
rum periculo & scandalo, ac dignitatis sedis apostolicae de-  
trimento & vilipendio, retroactis temporibus viguisse &  
adhuc vigere, eiusdem pragmaticæ sanctionis negotium,  
eodem approbante Concilio, discutiendum certis tunc  
nominatim deputatis cardinalibus & prælatis certæ con-

*Concil. Tom. 34.*

Sff ij

gregationis commisit. Et quamquam sanctio præfata ex multis nullitati notorie subiaceret, schismaque manifestum fouveret & contineret, & propterea citatione aliqua minime præcedente, per se irrita, nulla & inualida declarari potuisset, ex abundantia tamen cautela idem Iulius prædecessor Gallicos prælatos, capitula ecclesiastarum & monasteriorum, parlamenta, & laicos illis fauentes, & dicta sanctione vtentes, omnesque & singulos alios in præmissis sua communiter vel diuissim interessè putantes, per editum publicum, cum ad partes illas tutus tunc non patret accessus, in Mediolanensis, Astensis & Papiensis ecclesiastarum valuis affigendum, monuit & citauit, vt infra tunc expressum terminum, coram eo & dicto Concilio comparerent, causasque dicerent, quare sanctio præfata, illiusque corruptela & abusio in concernentibus auctoritatibus Romanæ ecclesiæ, & sacrorum Canonum, ac ecclesiasticae libertatis violationem, nulla & inualida declarari non deberet. Cumque dicto Iulio prædecessore in humanis agente, diuersis impedimentis causantibus, citatio exequi & reproduci, ac negotium abrogationis huiusmodi plene discuti, vt intentio ipsius Iulii prædecessoris fuerat, non potuisset, sed eodem Iulio prædecessore rebus humanis exempto, citatio ipsa legitime executa, & per procuratorem fiscalem sacri Concilii promotorem reproducta, ipsorumque citatorum non comparentium contumacia accusata, & ad vteriora procedi pétitum fuisset: nos diuina fauente clementia, ad summi apostolatus apicem assumpti, omnibus rite pensatis, petitionis prædictæ ex certis causis nullum tunc responsum dedimus. Ac deinde cum per dictos monitos & citatos diuersa impedimenta allegarentur, quare in termino eis, vt præferunt, præfixo comparere non potuissent, vt omnis iustæ excusationis & querelæ occasio eis auferretur, terminum citationis & monitionis huiusmodi præfixum, eodem sacro approbante Concilio, ad aliud tunc expressum terminum iam diu effluxum, in diuersis sessionibus pluries prorogauimus. Cum autem moniti & citati prædicti, sublatis iam omnibus impedimentis, effluxisque omnibus terminis, coram nobis & dicto Concilio non comparuerint, nec comparere curauerint, ad allegandam causam, quare san-

ANNO  
CHRISTI  
1516.

ANNO  
CHRISTI  
1516. Etio prædicta nulla declarari non debeat, ita ut executioni  
ultra locus non sit, possintque merito contumaces reputa-  
ri, prout eos exigente iustitia reputamus: nos mature at-  
tendentes pragmaticam sanctionem vel potius, vt dictum  
est, corruptelam, schismatis tempore a non habentibus  
potestatem, editam, reliquæ Christianæ reipublicæ eccle-  
siæque sanctæ Dei nullatenus conformem, & a claræ me-  
moriæ Ludouico XI. Francorum rege Christianissimo  
reuoatam, cassatam, atque abolitam, auctoritatem, li-  
bertatem, ac dignitatem dictæ sedis violare ac diminue-  
re, facultatemque Romani pontificis pro tempore exi-  
stentis de sanctæ Romanæ ecclesiæ cardinalium pro vniuer-  
sali ecclesia assidue laborantium, virorumque doctorum  
personis, quibus abundat curia, & quorum consiliis sedis  
apostolicæ & Romani pontificis atque vniuersalis eccle-  
siæ auctoritas & potestas conseruantur, negotiaque diri-  
guntur, & in prospero statu confouentur, ecclesiis &  
monasteriis, eisdemque personis de reliquis beneficiis ec-  
clesiasticis iuxta eorum status exigentiam prouidendi, pe-  
nitus auferre, prælatis vero ecclesiasticis illarum partium  
causam præbere, vt ipsi neruum ecclesiasticæ disciplinæ  
obedientia sanctum frangant & violent, ac contra nos &  
sedem prædictam eorum matrem cornua erigant, & eis ad  
præmissa audendum viam aperire, ipsamque notorie nul-  
litati subiacere, nulloque nisi alicuius temporis seu po-  
tius tolerantiae cuiusdam adminiculo fulciri, & si Roma-  
ni pontifices prædecessores nostri præfati, prout ipsi suo  
tempore summopere optare demonstrarunt, corruptelam  
& abusionem huiusmodi, vel malignitate temporum, vel  
alias illi prouidere, & in totum occurrere non valentes,  
suis temporibus tolerasse visi fuerunt, considerantes tamen  
ab ipsius Bituricensis sanctionis editione vix annos septua-  
ginta fluxisse, nullumque infra hoc temporis spatium præ-  
ter hoc Lateranense Concilium legitime fuisse celebra-  
tum, in quo cum (disponente Domino) constituti simus,  
ab eiusdem improbatæ sanctionis extirpatione & totali an-  
nullatione, sine nostra & tantorum patrum in præsenti  
Concilio congregatorum nota, ac nostræ & doctorum illa  
vtentium animarum periculo, abstinere seu desistere non  
posse, Augustino teste, iudicamus atque censemus. Et

Sff iij

SIO LEO C. LATERANENSIS V. MAXIMILIANVS I.  
P.X. IMP.

sicut piæ memoriarum Leo papa I. prædecessor noster, cuius in hoc libenter, quoad possumus, vestigia imitamur, ea quæ in secunda Ephesina Synodo temere contra iustitiam & catholicam fidem gesta fuerunt, postmodum in Calchedonensi Concilio mandauit ac fecit, pro dictæ fidei firmitate reuocari: ita & nos a tam nefariæ sanctionis & contentorum in ea reuocatione, retrahi aut desistere, salua conscientia, ac nostro & ipsius ecclesiæ honore, non posse, aut debere, censemus. Nec illud nos mouere debet, quod sanctio ipsa, & in ea contenta, in Basileensi Concilio edita, & ipso Concilio instante, a Bituricensi congregatione recepta & acceptata fuerunt, cum ea omnia post translationem eiusdem Basileensis Concilii, per felicis memoriae Eugenium papam quartum, etiam prædecessorem nostrum factam, a Basileensi Conciliabulo, seu potius conuenticula, quæ præsertim post huiusmodi translationem Concilium amplius appellari non merebatur, facta extiterint, ac propterea nullum robur habere potuerint: cum etiam solum Romanum pontificem pro tempore existentem, tamquam auctoritatem super omnia Concilia habentem, tam Conciliorum indicendorum, transferendorum, ac dissoluendorum plenum ius & potestatem habere, nedum ex sacrae scripturæ testimonio, dictis sanctorum patrum, ac aliorum Romanorum pontificum etiam prædecessorum nostrorum, sacrorumque Canonum decretis, sed propria etiam eorumdem Conciliorum confessione manifeste constet: quorum aliqua referre placuit, reliqua vero, ut pote notoria, silentio præterire. In Alexandrina enim Synodo Athanasio ibidem existente, Felici Romano pontifici ab eadem Synodo scriptum fuisse legimus, Nicænam Synodum statuisse non debere absque Romani pontificis auctoritate Concilia celebrari. Neque nos latet, etiam eundem Leonem pontificem Ephesinam secundam Synodum ad Calchedonem transtulisse; Martinum etiam papam V. præsidentibus suis in Concilio Senensi potestatem transferendi Concilium nulla consensus ipsius Concilii mentione habita dedisse; Ephesinam quoque primam Synodum Cælestino, ac Calchedonensem eidem Leoni, sextam Agathoni, septimam Hadriano, octauam Nicolao, octauam etiam Constantinopolitanam Synodum Hadria-

ANNO  
CHRISTI  
1516.

ANNO CHRISTI  
1516. no Romano pontifici prædecessoribus nostris maximam reuerentiam exhibuisse, eorumdemque pontificum institutionibus & mandatis in sacris Conciliis per eos editis & factis, reuerenter & humiliter obtemperasse. Vnde Damasus papa & ceteri episcopi Romæ congregati scribentes de Concilio Ariminensi episcopis in Illyrico constitutis, præiudicium aliquod per numerum episcoporum Arimini congregatorum fieri non potuisse testantur: quandoquidem constet, Romanum pontificem, cuius ante omnia decebat spectari decretum, talibus non præbuuisse consensum: eumdemque Leonem pontificem, vniuersis Siciliæ episcopis scribentem, idem voluisse apparet. Confueueruntque antiquorum Conciliorum patres, pro eorum, quæ in suis Conciliis gesta fuerunt, corroboratione a Romano pontifice subscriptionem, approbationemque humiliter petere & obtinere, prout ex Nicæna & Ephesina ac Calchedonensi huiusmodi, & sexta Constantinopolitana, & septima eadem Nicæna, & Romana sub Symmacho Synodis habitis, earumque gestis, nec non in Aimari libro de Synodis manifeste colligitur, quod etiam nouissime Constantienenses patres fecisse constat. Quam laudabilem consuetudinem si Bituricenses & Basileenses secuti fuissent, huiusmodi molestia procul dubio careremus. Cupientes quoque huiusmodi negotium ad debitum finem perduci, ac tam vigore citationum haçtenus a nobis, & præfato Iulio prædecessore ex abundanti emanatarum, quam aliorum præmissorum, quæ ita notoria sunt, ut nulla valeant excusatione aut tergiuersatione celari, etiam ex nostro pastorali officio procedentes, omnesque & singulos, tam iuris quam facti defectus, si qui forsan in præmissis interuenerint, supplentes, ex certa nostra scientia, & de apostolicae potestatis plenitudine, eodem sacro approbante Concilio, tenore præsentium præfatam pragmaticam sanctiōnem seu corruptelam, eiusque approbationem quomodolibet emanatam, omniaque & singula decreta, capitula, statuta, constitutiones, siue ordinationes in eodem quomodolibet contentas, seu etiam insertas, ac ab aliis prius editas, nec non consuetudines, stylum, usus, siue potius abusum, ex ea in hanc usque diem quomodolibet emanatos seu obseruatos, nullius roboris vel momenti fuisse

512 LEO C. LATERANENSIS V. MAXIMILIANVS I.  
P.X. IMP.

& esse decernimus & declaramus. Nec non ad abundanter  
cautelam eamdem Bituricensem sanctionem siue  
corruptelam , eiusque approbationem tacitam vel expref-  
sam , vt præfertur , & in ea contenta omnia & singula ,  
etiam inserta quæcumque reuocamus , cassamus , abroga-  
mus , irritamus , annullamus ac damnamus , & pro infe-  
ctis , reuocatis , cassatis , abrogatis , irritatis , annullatis , &  
damnatis haberi volumus , decernimus & declaramus . Et  
cum de necessitate salutis existat omnes Christi fideles Ro-  
mano pontifici subesse prout diuinæ scripturæ & sanctorum  
patrum testimonio edocemur , ac constitutione felici  
memoriae Bonifacii papæ VIII. similiter prædecessoris  
nostrí , quæ incipit , Vnam sanctam ; declaratur : pro eo  
rumdem fidelium animarum salute , ac Romani pontificis  
& huius sanctæ sedis suprema auctoritate , & ecclesiæ  
sponsæ suæ unitate & potestate , constitutionem ipsam , sa-  
cro præsente Concilio approbante , innouamus & appro-  
bamus , sine tamen præiudicio declarationis sanctæ memo-  
riæ Clementis papæ V. quæ incipit , Meruit ; inhibentes in  
virtute sanctæ obedientiæ , ac sub poenis & censuris infra  
dicendis , omnibus & singulis Christi fidelibus , tam laicis  
quam clericis sæcularibus , & quorumuis ordinum etiam  
mendicantium regularibus , & aliis quibuscumque per-  
sonis , cuiuscumque status , & gradus , & conditionis exi-  
stant , etiam sanctæ Romanæ ecclesiæ cardinalibus , patri-  
archis , primatibus , archiepiscopis , episcopis , & quibusuis  
aliis ecclesiastica vel mundana , vel quavis alia dignitate ful-  
gentibus , omnibusque aliis & singulis prælatiis , clericis , ca-  
pitulis , & conuentibus sæcularibus , & ordinum prædicto-  
rum regularibus , etiam monasteriorum abbatibus , priori-  
bus , ducibus , comitibus , principibus , baronibus , par-  
lementis , officialibus etiam regiis , iudicibus , aduocatis ,  
notariis & tabellionibus ecclesiasticis vel sæcularibus , &  
quibusuis aliis personis ecclesiasticis regularibus & sæcula-  
ribus , vt præfertur , quacumque dignitate fulgentibus , in  
præfato regno Franciæ , Delphinatu , & vbi cumque præ-  
dicta pragmatica direcťe vel indirecťe , tacite vel expre-  
se vigeret , quomodolibet existentibus , vel pro tempore  
futuris , ne de cetero præfata pragmatica sanctione , seu  
potius corruptela , quomodolibet ex quavis causa , ta-  
cite

ANNO CHRISTI 1516. cite vel expresse , direc̄te vel indirec̄te , aut quoquis alio quæsito colore vel ingenio , in quibusque actibus iudicia- libus vel extra judicialibus vti , seu etiam eam allegare , vel secundum eam iudicare , aut quosuis actus iudiciale vel extra judiciales , secundum dictæ pragmaticæ teno- rem vel capitula in ea contenta , per se vel alium seu alios nullatenus facere præsumant , aut per alios fieri permit- tant seu mandent , nec præfatam pragmaticam sanctio- nem , aut in ea contenta capitula seu decreta , ulterius in domibus suis , aut aliis locis publicis vel priuatis teneant : quinimo illam ex quibusuis archiuis etiam regiis , seu capitularibus , & locis prædictis , infra sex menses a data præsentium computandos , deleant seu deleri faciant , sub maioris excommunicationis latæ sententiæ , nec non quo ad ecclesiasticas , & regulares personas prædictas , om- nium etiam patriarchalium , metropolitanarum , & a- liarum cathedralium ecclesiarum , monasteriorum quo- que & prioratum , etiam conuentualium , & quarum- cumque dignitatum aut beneficiorum ecclesiasticorum sacerdotalium , & quorumvis ordinum regularium priua- tionis , & inhabilitatis ad illa in posterum obtinenda : quo vero ad sacerdtales , præfatæ excommunicationis , nec non amissionis quorumcumque feudorum , tam a Ro- mana quam alia ecclesia ex quavis causa obtentorum , ac etiam inhabilitatis adilla in posterum obtinenda , in- habilitatisque ad omnes & singulos actus legitimos quo- modolibet faciendo , infamesque ac criminis læse ma- iestatis in iure expressis pœnis , eo ipso , & absque ulteri- or declaratione per omnes & singulos supradictos , si ( quod absit ) contra fecerint , incurriendis : a quibus vigore cuiuscumque facultatis , ac clausularum etiam in confessionalibus , quibusuis personis sub quibusuis ver- borum formis concessis , contentarum , nisi a Romano pontifice canonice intrante , vel alio ab eo ad id in spe- cie facultatem habente , præterquam in mortis articulo constituti , absolvi nequeant ; non obstantibus præmis- sis , nec non constitutionibus & ordinationibus , decre- tis ac statutis , apostolica , seu quacumque alia etiam conciliari auctoritate quomodolibet , etiam ex certa scien- tia & apostolicæ potestatis plenitudine editis & ema-

Concil. Tom. 34.

Ttt

natis, & saepius innouatis, repetitis, confirmatis & approbatis: quibus illorum omnium & singulorum tenores, ac si de verbo ad verbum infererentur, ad effectum præmissorum, pro sufficienter expressis & insertis habentes, illis alias in suo labore permanens, scientia, potestate & tenore præmissis, specialiter & expresse derogamus contrariis quibuscumque: aut si communitatibus, universitatibus, & personis singulis supranominatis, etiam cardinalibus, patriarchis, archiepiscopis, episcopis, marchionibus, & ducibus præfatis, vel quibusuis aliis, communiter vel diuissim ab eadem sit sede indultum, quod interdici, suspendi vel excommunicari, aut propterea priuari, & inhabiles reddi non possint per literas apostolicas non facientes plenam & expressam, ac de verbo ad verbum, de indulto huiusmodi mentionem: & quibuscumque aliis priuilegiis, indulgentiis & literis apostolicis generalibus, vel specialibus, quorumcumque tenorum existant, per quæ præsentibus non expressa, vel totaliter non inserita, effectum earumdem impediri valeat quomodo libet vel differri, & de quibus, quorumque tenoribus de verbo ad verbum habenda sit in nostris literis mentio specialis. Nulli ergo omnino hominum liceat hanc paginam nostri supplementi, decreti, declarationis, reuocationis, cassationis, abrogationis, irritationis, annulationis, damnationis, voluntatis, constitutionis, innouationis, probationis, inhibitionis, & derogationis infringere, vel ei ausu temerario contraire. Si quis autem hoc attentare præsumperit, indignationem omnipotentis Dei, ac beatorum Petri & Pauli apostolorum eius se nouerit incursum.

Data Romæ in publica sessione, in Lateranensi sacro-sancta basilica solenniter celebrata, anno incarnationis dominicae 1516. quartodecimo Kalendas Ianuarii, pontificatus nostri anno quarto.

Visa. I. Saluius.

F. de S. Ioanne.

Qua perlecta, petiit an placerent paternitatibus suis contenta in schedula. Et omnibus placuerunt simpliciter, excepto reuerendo domino episcopo Terdonensi qui dixit, quod non placebat sibi reuocatio illorum,

ANNO  
CHRISTI  
1516. quæ habuerint originem a Basileensi & Bituricensi Con-  
ciliis, seu conuenticulis.

Postremo reuerendus pater dominus Ioannes episco-  
pus Sibinicensis ascendit ambonem , & legit schedulam  
disponentem circa religiosos & eorum priuilegia ; cuius  
tenor talis est :

*Leo episcopus seruus seruorum Dei ad perpetuam rei memoriam ,  
sacro approbante Concilio.*

Dum intra mentis arcana reueluimus , & diligentि con-  
sideratione pensamus operosa sollicitudinis studia , conti-  
nuosque labores pro diuini nominis gloria , exaltatione  
catholicæ fidei , ecclesiæ vnitate seruanda , & institutio-  
ne ac salute fidelium animarum per coepiscopos eorum  
que superiores , in diuersis orbis partibus , ad regimen sua-  
rum ecclesiarum a sede apostolica constitutos , nec non  
per fratres diuersorum ordinum , præsertim mendican-  
tium , indefesse & indesinenter impensos , tanta ex eorum  
in vinea Domini fructuosis operibus , & opportune ac  
laudabiliter gestis , cordi nostro prouenit satisfactio , vt  
iis quæ ad pacem & quietem inter eos conseruandam  
conducere cognoscimus , omni studio intendamus . No-  
uimus enim episcopos ipsos in partem sollicitudinis no-  
stræ assumptos fuisse , quorum honor & sublimitas , teste  
Ambrosio , nullis potest comparationibus adæquari . Re-  
ligiosos etiam in agro dominico pro Christianæ religio-  
nis defensione & ampliatione complura fecisse , ac vbe-  
res fructus protulisse , & in dies singulos proferre , ita vt  
eorumdem episcoporum ac religiosorum bonis operibus  
orthodoxam fidem incrementa sumpsisse , & per orbem  
terrarum vndique dilatatam fuisse , fidelium nullus ig-  
noret . Et sicut ipsi sè penumero vigilantissima & soler-  
ti cura schismata in Dei ecclesia extinguere , & ecclesiæ  
vnitatem reddere , & vt eidem ecclesiæ pacis tranquilli-  
tas daretur , innumeros labores subire non dubitarunt :  
ita quoque par est , eos inter se , nostris prouisionibus ,  
pacis vinculo , ac fraterna caritate & vnitate coniungi ,  
vt eorum concordi doctrina & mutuis operibus vberio-  
res in ecclesia Dei fructus prouenant . Sane cupientes ,  
vt iura spiritualia , quæ ad Dei laudem & Christi fide-

*Concil. Tom. 34.*

Ttt ij

lium animarum salutem pertinent, & quorum exercitium  
prefatis episcopis & eorum superioribus in suis dioecesi-  
bus, cum ipsi in partem solitudinis, ut præfertur, assum-  
pti, ac dioeceses distinctæ, & cuilibet eorumdem episco-  
porum assignatae fuerunt, commissum extitit, ut per ipsos  
episcopos exerceantur, & ius illa libere exercendi, quan-  
tum fieri potest, eis illæsum præseruetur: & si aliqua dictis  
fratribus mendicantibus in eorumdem episcoporum laesio-  
nem per Romanos pontifices prædecessores nostros & se-  
dem apostolicam concessa fuerint, concessiones huiusmo-  
di eisdem religiosis factas, in subsequentibus duximus mo-  
derandas, ut ipsi fratres potius ab eisdem episcopis omni-  
cum caritate foueantur, quam aliquo modo molestentur  
& inquietentur. Vna enim est regularium & secularium,  
prælatorum & subditorum, exemptorum & non exem-  
ptorum vniuersalis ecclesia, extra quam nullus omnino  
saluatur, eorumque omnium unus Dominus, vna fides:  
& propterea decet eos, qui eiusdem sunt corporis, unius  
etiam esse voluntatis. Et sicut fratres nexus inuicem cari-  
tatis adstricti sunt, sic non conuenit alterum in alterius in-  
iuriam seu iacturam profilire, dicente Saluatore: *Hoc est  
præceptum meum, ut diligatis inuicem, sicut dilexi vos.* Ad con-  
seruandam igitur inter episcopos & eorum superiores, ac  
prælatos & fratres huiusmodi mutuam caritatem & be-  
nevolentiam, diuini quoque cultus augmentum, pacem  
& tranquillitatem vniuersalis ecclesiæ status, quod  
ita demum fieri posse cognoscimus, si vnicuique quantum  
fieri potest, sua iurisdictio conseruetur, sacro approbante  
Concilio statuimus & ordinamus, quod episcopi & eo-  
rum superiores & alii prælati præfati, parochiales ecclie-  
sias ad eosdem fratres ratione locorum suorum legitime  
spectantes, quo ad ea, quæ ad parochianorum curam, &  
sacramentorum conseruationem, administrationemque  
pertinent, sine tamen visitatorum insolito grauamine vel  
impensa, visitare, & illarum curam gerentes, & circa  
illam delinquentes, si religiosi fuerint, iuxta ipsius ordinis  
regularia instituta intra septa regularis loci: sacerdo-  
tes vero presbyteros, & fratres huiusmodi beneficia obti-  
nentes, libere tamquam suæ iurisdictioni subiectos punire.  
Ac tam prælati quam presbyteri sacerdtales, qui vinculo

Ioh. 16.

ANNO CHRISTI 1516. excommunicationis ligati non fuerint, Missas in ecclesiis domorum eorumdem deuotionis causa celebrare volentes, celebrare possint: ipsique fratres tales celebrare volentes libenter recipere debeant; ac ab eisdem prælatis ad processiones solennes pro tempore faciendas requisiti, dummodo eorum loca suburbana ultra vnum milliare a ciuitatibus respectiue non sint remota, accedere: nec non superiores eorumdem fratrum fratres, quos ad audiendas confessiones subditorum eorumdem prælatorum pro tempore elegerint, eisdem prælatis personaliter exhibere ac præsentare, si eos sibi exhiberi & præsentari petierint: alioquin eorum vicariis, dummodo ad prælatos ultra duas diætas accedere non cogantur, omnino non tenentur. Possintque illi per eosdem episcopos & prælatos super sufficienti literatura & aliqua saltem huiusmodi sacramenti peritia dumtaxat examinari: talibusque præsentatis admissis, vel etiam indebite recusatis, confitentes constitutioni, qua incipit: Omnis utriusque sexus; quo ad confessionem dumtaxat satisfecisse censeantur, ipsique fratres etiam forenium confessiones audire valeant. Laicos tamen & clericos sæculares, a sententiis ab homine latis, nullatenus absoluere possint. Eucharistiæ vero & extremæunctionis, aliaque ecclesiastica sacramenta illis, quorum etiam infirmorum ac decedentium confessiones audierint, dicentibus proprium sacerdotem illa sibi dare denegasse, dare nequeant: nisi denegatio sine legitima causa facta, vicinorum testimonio probata, aut requisitio coram notario publico facta, doceretur. Eorumdem vero fratrum obsequio insistentibus, sacramenta huiusmodi nullatenus ministrare valeant, nisi illorum durante obsequio. Pacta autem & conuentiones inter eosdem fratres & prælatos atque curatos pro tempore inita, valeant, nisi per subsecutum capitulum proximum generale vel prouinciale refutata, ac per eos refutatio huiusmodi intimata debito tempore fuerint. Parochias autem cum cruce ad leuanda funera eorum, qui apud ecclesiæ domorum & locorum eorumdem suam elegerint sepulturam, intrare non possint, nisi prius præmonito & requisito, ac non recusante parochiano presbytero, & tunc sine eius ac ordinarii præiudicio: nisi eisdem fratribus su-

Ttt iiij

per hoc antiqua consuetudo , quæ sit in viridi obseruantia , & cum pacifica possessione suffragetur. Volentes quoque sepeliri in habitu eorumdem fratrum in claustrō non degentes , sed in propriis domib⁹ habitantes , in eorum vltima voluntate sepulturam sibi libere eligere possint. Quodque fratres ipsi ad ordines promouendi , per ordinarios de grammatica & sufficientia examinari , & dummodo competenter respondeant , per eosdem ordinarios libere admitti , ac nullatenus in eorum ecclesiis seu domib⁹ , aut aliis eorum locis , ab alio quam a dioceſano episcopo , vel eius vicario , super hoc cum debita reuerentia requisito , & absque rationabili causa contradicente , vel eo a dioceſi absente , ad dictos ordines promoueri debeant. Nec ab alio episcopo consecrationem ecclesiæ , vel altaris , aut coemeterii benedictionem petere , seu in ecclesiis per eos pro tempore ædificandis , prium lapidem per alienum episcopum ponere possint , nisi vbi ordinarius bis aut ter cum debit⁹ reuerentia & instantia requisitus , sine legitima causa id recusauerit. Et absque curatorum consensu sponsum & sponsam benedicere nequeant. Et vt debitus honor matrici ecclesiæ reddatur , tam ipsi fratres , quam alii clerici sæculares , etiam super hoc apostolicæ sedis priuilegio muniti , die sabbati maioris hebdomadæ , antequam campana cathedralis vel matricis ecclesiæ pulsauerit , campanas in ecclesiis suis pulsare minime possint. Contra facientes pœnam centum ducatorum incurvant. Censuras autem per eosdem ordinarios latas & promulgatas , ac in matrici ecclesiæ ciuitatum , nec non in collegiatis & parochialibus ecclesiis caſtrorum & opidorum respectiue solenniter publicatas , quando super hoc ab eisdem ordinariis requisiſiti fuerint , in ecclesiis domorum suarum publicare ac feruare. Et vt animarum vtriusque sexus Christi fidelium saluti vberius consulatur , illos , quorum confessiones pro tempore audierint , cuiuscumque status & conditionis fuerint , ad soluendum decimas , siue aliam bonorum seu fructuum quotam in locis , in quibus decimæ ipsæ aut similia solui confuerunt , etiam sub onere conscientiarum suarum monere & hortari , ipsisque etiam illas soluere recusantibus , absolutionem denegare , & super

ANNO  
CHRISTI  
1516. hoc requisiti, id populo etiam publice prædicare & per-  
suadere teneantur. Conseruatores autem eisdem fratribus  
pro tempore a fede apostolica deputandi, doctrina &  
probitate præstantes, & in ecclesiastica dignitate con-  
stituti esse debeant: & coram eis per eosdem fratres,  
quibus dati fuerint, ultra duas diætas a loco suæ solitæ  
habitationis nullus trahi possit, priuilegiis super hoc a-  
lias eis concessis nullatenus suffragantibus. Excommuni-  
cati quoque, ordinem mendicantium profiteri volentes,  
vbi de interesse tertii agetur, absolvi non possint, nisi  
prævia satisfactiōne. Procuratores quoque & negotio-  
rum gestores ac operarii eorumdem fratrum seruitiis in-  
sistentes, sententiis excommunicationis promulgatis il-  
laqueati sint, & esse censeantur, si illis causam dederint,  
aut dantibus consilium, auxilium vel fauorem præstite-  
rint. Fratres autem & sorores tertii ordinis, nec non man-  
tellati, corrigiati, pizochatae, chordellati, & alii quo-  
cumque nomine nuncupati, in propriis domibus habi-  
tantes, sepulturam, vbi voluerint, eligere valeant: sed die  
paschatis tantum eucharistiam, nec non extremam vn-  
ctionem, ceteraque ecclesiastica sacramenta, pœnitentia  
sacramento dumtaxat excepto, a proprio sacerdote  
recipere, & ad onera, quæ laicis incumbunt, perferenda  
teneantur, ac in foro sæculari coram iudicibus sæculari-  
bus conueniri possint. Et ne censura vilescat ecclesiastica,  
& minoris auctoritatis interdicti sententia reputetur, iि-  
dem dicti tertii ordinis, ad diuina audienda in ecclesiis  
suorum ordinum tempore interdicti nullatenus admit-  
tantur, si causam dederint interdicto, vel causam ipsam  
nutriant seu foueant, aut dantibus auxilium, consilium  
vel fauorem quoquo modo præstiterint. Collegialiter au-  
tem viuentes, seu cum claustralibus habitantes, ac mu-  
lieres virginalem seu cælibem, aut castam vidualem (ex-  
presso voto & sub dicto habitu) vitam ducentes, priuilegiis,  
quibus fratres ordinis, cuius tertia regula habitum  
gestant, gaudere debeant. Omnia etiam singula supradi-  
cta ad reliquos religiosos ordinum quorumcumque ex-  
tendi, & per eos etiam seruari debere volumus atque de-  
cernimus. Saluis tamen in reliquis desuper non expressis,  
tam episcoporum quam fratrum & aliorum religiosorum

prædictorum iuribus, quibus per præmissa in aliquo præ-iudicare, seu quidquam innouare non intendimus; non obstantibus constitutionibus & ordinationibus apostoli-cis, ac statutis & consuetudinibus dictorum ordinum, iu-ramento, confirmatione apostolica, vel quavis alia fir-mitate roboratis, priuilegiis quoque & indultis, ac lite-ris apostolicis, contra præmissa, seu aliquod præmissorum eisdem ordinibus concessis, etiam in Mari magno contentis, quibus, etiamsi ad illorum derogationem, de eis, eorumque totis tenoribus specialis, specifica, expre-sa, indiuidua, ac de verbo ad verbum, non autem per ge-nerales clausulas id importantes, mentio seu quævis alia expressio habenda, aut aliqua alia exquisita forma seruan-da esset, illorum tenores præsentibus pro sufficienter ex-pressis & insertis habentes, specialiter & expresse deroga-mus, ceterisque contrariis quibuscumque, decernentes exnunc irritum & inane, si secus super his a quoquam qua-uis auctoritate, scienter vel ignoranter contigerit atten-tari. Eosdem insuper fratres in virtute sanctæ obedien-tiæ monemus, vt eosdem episcopos, loco sanctorum apo-stolorum subrogatos, pro debita & nostra ac apostolicæ sedis reuerentia, congruo honore & conuenienti obser-uantia venerentur. Ipsos quoque episcopos hortamur, ac per viscera misericordiæ Dei nostri requirimus, vt fratres ipsos affectu beneuolo prosequentes, caritatue traetent ac benigne foueant, seque illis minime difficiles, aut du-ros vel morosos, sed potius faciles, mites, propitos, pia-que munificentia liberales exhibeant, ac in omnibus præ-dictis, tamquam in agro dominico cooperatores, eorumque laborum participes prompta benignitate recipient, eorumque iura omni cum caritate custodiant, atque de-fendant, vt tam episcopi quam fratres præfati, quorum opera veluti lucernæ ardentes supra montem positæ, om-nibus Christi fidelibus lumen præbere debent, ad Dei lau-dem, fidei catholicae exaltationem, populorumque salu-tem, de virtute in virtutem proficiant, ac exinde a largif-simo bonorum omnium retributore Domino perennis vi-tæ præmium consequi mereantur.

Nulli ergo omnino hominum liceat hanc paginam no-strorum statuti, ordinationis, voluntatis, derogationis, decreti,

decreti, monitionis, exhortationis, & requisitionis infringere, vel ei ausu temerario contraire. Si quis autem hoc attentare præsumperit, indignationem omnipotentis Dei, ac beatorum Petri & Pauli apostolorum eius se nouerit incursum.

Data Romæ in publica sessione, in Lateranensi sacro-sancta basilica solenniter celebrata, anno incarnationis dominice millesimo quingentesimo decimosexto, decimonoно Decembris, pontificatus nostri anno quarto.

Qua perlecta, idem episcopus legit inductionem duodecimæ sessionis, videlicet sexto Nonas Martii proxime futuri. Et petuit, an placerent lecta in dictis schedulis paternitatibus suis. Et fuerunt vota infra scripta aliqualiter discrepantia, aliis ceteris respondentibus per verbum, Placet. Nam reverendus dominus Iacobus episcopus Potentinus dixit, quod non fuerat vocatus nec informatus; & ea de causa remittit se ad sanctissimum dominum nostrum, a quo bona cuncta procedunt.

Cumanus & Taruisinus dixerunt, quod videbatur eis, quod esset adimenda illa clausula, Saluis, &c. & quod poneretur, Approbare, vbi dicit, Innouare.

Cauallensi etiam non placuit illa clausula, Saluis, &c. Melfitanus dixit, placere sibi quoad ea, quæ restituuntur ordinariis, in alio vero fine præ iudicio ordinariorum & successorum suorum.

Hipporegiensi placuerunt sine approbatione priuilegiorum. Et in eodem voto fuit Bellunensis.

Terdonensi placuerunt, exceptis duobus, videlicet de conseruatoribus, quibus dari deberent assessores, & sine approbatione priuilegiorum, quia vnius inclusio est alterius exclusio.

Cæsenatensi placuerunt sine approbatione priuilegiorum.

Brumatensi placuerunt, dummodo tollatur clausula, Saluis, aut verbum, Innouare, deponatur, & ponatur, Approbare.

Vincensi, Ferentino, & Senogallensi placuerunt sine approbatione priuilegiorum fratrum.

Allegariensi placuerunt pro se, sed pro aliis, qui-  
*Concil. Tom. 34.* Vuu

bus est procurator, dicit se nihil velle dicere.

Dignensi placuerunt, sine præjudicio ecclesiæ suæ.

Fuerunt insuper data mandata prælatorum absentium; & primo, reuerendus dominus Zutfeldus Vverdemberg dedit mandatum reuerendi patris domini Henrici episcopi Coroniensis. Et dominus Petrus de Candia dedit mandatum reuerendi patris domini Augustini episcopi Grafsensis.

Reuerendus dominus Ioannes Noendommanus dedit mandatum reuerendi patris domini Theodorici episcopi Lubecensis.

Reuerendus dominus Benedictus episcopus Chiensis dedit mandatum reuerendi domini Iacobi episcopi Fauentini.

Reuerendus dominus Ioannes de Treda nomine episcopi Caietani, siue de Lipari, dedit mandatum reuerendi patris domini Petri episcopi Lucan.

Reuerendus dominus Hieronymus episcopus Asculanus dedit mandatum reuerendi domini episcopi Ioannis Antonii Calinensis.

Reuerendus dominus Alexius episcopus Melfitanus dedit mandatum reuerendi domini Iuliani Cibo episcopi Agrigentini.

Reuerendus dominus Ioannes episcopus Algarensis dedit mandatum reuerendi domini Guillelmi episcopi Tyrafonensis.

Reuerendus dominus Petrus episcopus Castelli maris dedit mandatum reuerendi domini Francisci episcopi Spoletoni.

Reuerendissimus dominus cardinalis sancti Georgii dedit mandatum reuerendi domini Alberti Magdeburgensis, & Moguntini archiepiscopi, ac marchionis Brandenburgensis.

Reuerendus dominus Ioannes Ingenvinkel, dedit mandatum reuerendi domini Friderici episcopi Traiectensis.

Reuerendus dominus Ioannes episcopus Vrgellenensis, dedit mandatum reuerendi domini Petri Conceptionis in insula Hispan.

Reuerendus pater dominus Georgius archiepiscopus

ANNO CHRISTI 1516. Nazarenus dedit mandatum reuerendi domini episcopi Tribunensis & Machariensis.

Et dominus Zutfeldus Noiodeburgensis dedit mandatum pro reuerendo domino Ioanne episcopo Haruerbergenſi.

Et dominus Petrus de Soto dedit mandatum reuerendi domini Alphonsi archiepiscopi Compostellani.

Reuerendus dominus Alexius episcopus Melfitanus præfatus excusauit reuerendum dominum Nicolaum episcopum Bergomensem.

Reuerendus dominus Ioannes Pels dedit mandatum reuerendi domini Medardi abbatis sancti Adalberti in Egmonda, ordinis sancti Benedicti Traiectensis dioecesis.

Quibus finitis cantores inceperunt Te Deum laudamus. Quo finito, sanctissimus dominus noster, comitantibus reuerendissimis dominis cardinalibus, patriarchis, archiepiscopis & episcopis, & aliis prælatis & nobilibus viris, equitando rediit ad sacrum palatium apostolicum in Vaticano.

#### PROROGATIO SESSIONIS DVODECIMÆ.

Anno a natuitate Domini millesimo quingentesimo decimo septimo, indictione quinta, die vero vigesima septima mensis Februarii, pontificatus sanctissimi in Christo patris & domini nostri domini Leonis diuina prouidentia papæ decimi anno quarto, præfatus sanctissimus dominus noster de sanctæ Romanæ ecclesiæ cardinalium consilio, duodecimam sessionem ex certis rationabilibus causis & legitimis prorogandam duxit & prorogauit, prout in schedula per cursorum in basilicæ principis apostolorum de Urbe, & sancti Ioannis Lateranensis ecclesiarum valuis, ac cancellariæ & audienciarum portis affixa apparuit.

Tenor vero schedulæ & executionis earum sequitur & est talis:

*Leo episcopus seruus seruorum Dei.*

Duodecimam sessionem Spiritu sancto fauente, legitime congregandam, quam alias sexto Nonas Martii

*Concil. Tom. 34.* Vuu ij